

元明史略

三

839

4

134

增補 標記

元明史畧

三

839
4
134

卷十七 考
改第二号

平安殿
其暉校訂
標記

增補元明史略卷之三

根岸憲助氏委託本

日本 讚岐 後藤世鈞 編次

平安 藤原正臣 增補

明中

孝宗敬皇帝名祐攄憲宗第二子補九月言官


劾李孜省及其黨鄧常恩趙玉芝梁芳等諸不

法事下李孜省梁芳於獄其黨俱謫戍邊孜省

尋死於獄中補妖僧繼曉發原籍為民尋伏誅

○十月有星變庶吉士鄒智言陽不能制陰之

票已曾補元明史略卷之三 孝宗帝



根岸信輔氏委託

萬安 小人 王恕 君子

邱濬 上大 學衍 義補 弘治 元年

多戀。戀官位之情多也。三台星名。魁下六星。兩兩而比。曰三台。象三公也。

籍。秦皆切。籍之為言。借也。借民力治之故。

木言坤初元明史卷三

象如萬安等小人也。而據內閣宜退之。王恕等君子也。而謫外方。宜進之。疏上。乃退安而進恕。安臨退。多戀不能釋。及之道。猶看三台星。冀復用也。其無恥如此。時有御史阿事萬安。安陽痿。其人具藥洗之。世稱洗馬御史云。補帝於宮中。皆論房中術。末署曰。臣安進。帝令太監懷恩持至。閣曰。此大臣所為。耶。安愧汗伏地。不能出聲。黜後未幾而死。○十一月。禮部侍郎邱濬上。大學衍義補。帝嘉之。進秩尚書。補弘治元年。二月。帝耕籍田。禮畢。宴群臣。教坊以雜伎進。御史馬文外厲

謂之籍田

囁音權

餞乃帶切

餞音候

弘治二年

色曰。新天子當知稼穡艱難。豈宜以此瀆亂宸聰。斥去之。嗣後每歲仲春行之。補起用中書舍人丁幾。主事張吉。王純。進士敖毓。李文祥等五人。並嘗以言事。遠謫南京吏部主事儲囁。惜其才。薦舉從之。○三月。帝御經筵。賜講官程敏政等宴。帝皆稱老先生。不名。自後以為常。○二年。二月。監察御史湯爵以論事謫戍。鄒智連坐之。大理寺評事夏鑛疏救曰。言者之得罪。則言者之幸。而主上之不幸也。願陛下自為地。疏入。不報。

標也。增補心月。各卷三

孝宗帝

三

弘治三年 設預備倉 四年

遂乞歸。補三年三月。令天下設預備倉。每十里積粟萬石。及數為稱職。過者旌擢。不及者罰之。府州縣及軍衛官。視此外黜。補四年八月。罷刑部尚書何喬新。喬新執法不阿。每重王恕。輕劉吉。吉啣之。嗾御史鄒魯劾喬新通賂。鞫治無實。遂乞休去。補九月。劉吉罷。時帝欲封后弟伯爵。命吉撰誥券。吉言必盡封兩太后家子弟。乃可。其實欲替遲以俟。賄帝惡其專權。使中官諷令致仕。吉與萬安在內閣。貪濁橫恣。及安既去。吉

替止也

弘治五年

弘治六年

當國專政。與王恕不合。恕有所行。吉必沮之。恕憤。吉沮。屢疏求退。人皆知恕為吉所媚。嫉畏其威權。不敢言。唯太監懷恩在內。知恕之賢。每救之。吉於是罷。人皆快之。補五年十一月。停納粟上官例。尚書王恕言。永樂宣德正統間。天下亦有災傷。各邊亦有軍餉。當時無納粟例。糧不聞不足。軍民不聞困弊。比年來以此例為長策。人既以財進身。欲其砥廉隅為循吏。豈可得也。帝即命止之。補六年閏五月。吏部尚書王恕罷。

許音結攻發人之陰私也

摩當作襟襟領也

先是恕與邱濬同階太子太保恕長六卿位濬上及濬入閣恕弗讓也濬不悅太醫院判劉文泰與濬素往來亦銜恕因許奏恕變亂選法恕遂稱疾罷歸補十月勅兵部侍郎張海都督侯謙經理哈密漢西域唐伊州地也其北天山與瓦刺相界西接火州為諸胡要路元封宗室勿納失里為威武王居之永樂初遣使招諭遂入貢詔封其子脫脫為忠順王即其地置哈密衛令為西域之喉嚨以通諸番之朝貢而忠

經理哈密

弘治七年

順王再傳及孛羅帖木兒天順末見殺無嗣王母理國事以其外甥罕慎為都督時上魯番甚強盛其酋阿力自稱速檀乘機襲破哈密城罕慎逃居肅州十年復哈密還故土帝即位封罕慎為忠順王時上魯番阿力已死其子阿黑麻陽與罕慎結婚誘殺之復據哈密遣使入貢請代領西域職貢朝廷不許詔封元裔陝巴為忠順王欲以鎮定諸番阿黑麻大怒率兵襲之執陝巴去事聞乃命張海侯謙等往經理補七年

孝宗帝

泗水名。漕水注澮處也。斗門水門也。

弘治八年復哈

方。法也。略策也。

七月命工部侍郎徐貫經理蘓杭水利。貫上言東南財賦所出而水患為多。永樂初命夏原吉濬治未克施工。逮今九十餘年港浦愈塞。臣相度地勢治之。乃修濬河涇港瀆湖塘斗門堤岸。百三十有五所。役夫二十餘萬。東南水患少衰。補八年十二月復哈密。先是命張海等經理無功。還阿黑麻益驕肆。僭稱可汗。侵沙州。迫罕東諸部。附已兵部尚書馬文外聞之曰。是可襲而執也。以指揮楊翥熟番情。召詢方略。調罕東諸番

弘治十年

兵命巡撫御史許進副將彭清等往討阿黑麻。守將牙蘭宵遁。後二年土魯番以陝巴來歸。仍命為忠順王。鎮哈密。補十年三月帝御經筵。畢召內閣臣徐溥等於文華殿議政。出各司題奏。面裁決。溥等擬旨。上帝應手。改定無疑。滯。每顧問必稱先生。自天順末至今三十餘年。召內閣不過數語。是日經筵罷。有此召。後以為常。補五月韃靼小王子寇潮河川。指揮劉銀等戰死。補六月命戶部侍郎劉大夏督理北邊軍餉。大夏

車求也

簡閱禁兵

將行尚書周經謂曰塞上勢家子以市糴為私利公母以剛賈禍大夏曰處天下事以理不以勢俟至彼圖之初塞上糴買必粟千石芻萬束乃得告以故中官武臣得操利權大夏令有芻粟者自百束十石以上皆許勢家無所牟利不兩月儲積充羨補十月簡閱禁兵馬文外疏言洪武初法漢制南北軍禁衛征討各有所掌置十六衛親軍指揮使司不隸五府為禁兵即古之南軍也其他衛屬五府即古之北軍也永樂

弘治十一年

何孟春折熊字

宣宣府也大
大同也

中增設十二衛又選精壯數千人屬御馬監更番上直近年禁兵廢弛請勅大臣揀選操練令更番直各門從之補十一年七月總制三邊軍務王越襲鞬韞之小王子於賀蘭山破之先是小王子自稱太元大可汗奉書朝廷方務優容許之自是往來套中出沒為寇諸虜相倚日強遼東宣大延綏俱被殘乃詔越討之越分兵三路進擊敗之○十月有熊入城郎中何孟春曰熊於字為能火當有水災未幾乾清宮火人大

奇之補太監李廣以符錄禱祀獲寵任權傾中外勸帝建毓秀亭於萬歲山亭成幼公主殤宮復災日者謂建亭犯歲忌太皇太后恚甚廣懼飲藥死帝疑廣有異書取其家索之得賄簿多文武大臣名魏黃白米各百千石帝曰廣食幾何乃受米如許左右曰隱語耳黃者金白者銀也帝怒下法司按問諸臣皆懼編修羅玘上言曰文武官賄廣求進廉恥掃地今日旦暴白恐生慢易廉恥愈衰乞密論賄廣者引退或以他

治十二年十三年十四年

地震地決湧水

事黜之庶可消已成之黨絕未起之禍章下所

司補十二年四月虜酋火篩入寇太同命平江

伯陳銳充總兵官禦之補十三年六月火篩復

寇太同陳銳等無功以保國公朱暉代之益兵

往禦比暉至寇已退乃還補十四年正月陝西

地震如雷民房震倒五千餘間男婦死者甚眾

又遍地決破眼竅湧水甚者決開水出成河馬

文外上言地乃靜物動則失常此臣不承君衷

狄不承中國之兆也乞廣言路明國法以仰答

竅諸吊切
尤也

景已曾補元月史各卷三

孝宗帝

二

弘治十五年

天譴疏入輒從。○右僉都御史陳壽以敗北虜當封。或請註子弟於戰籍中受爵。壽曰：吾子弟不諳弓馬，不許。時論高之。○補四月火節及小王子。連兵入寇。朱暉帥師禦之，無功。虜入固原寧夏境，殺掠勢甚猖獗。京師戒嚴。既而虜引去。○十五年五月，兵部尚書劉大夏上軍政十弊。帝嘉納之。一日有造謗言，貼於宮門。誣大夏。帝曰：宮門豈外人可到？此必內奴所為也。○十六年五月，帝召劉大夏語曰：今後凡有疑事，卿可寫

貼音帖粘置也

弘治十七年

克己省身學之大關鍵

唐安樂公主依勢用事，請謁受賕，降墨勅除官。斜封，付中書時謂之斜封。官墨勅無朱印也。邁亦老也。寒具，餼被之類也。

揭帖密進。太夏曰：不可。是即前代斜封墨勅之弊也。陛下所行宜遠法。帝王公是公非，與眾共之外，付之府部內咨之閣臣可也。如用揭帖萬一匪人冒居要職，害可勝道哉。帝稱善。○十七年，御史陳茂烈以母老邁，乞終歸養。帝憫其情，許之。茂烈少喪父，甚貧，嘗在途以乏寒，負幾死。為御史袍服素朴。騎一牝馬，嘗曰：善學聖人者，莫若顏曾。顏之克己，曾之省身，學之大關鍵也。乃作省克錄以自考。○十八年三月，戶部主事

年李夢陽言二病三害六漸

李夢陽上疏言天下為病者二為害者三為漸

者六。中有及張后弟者。后恨之。帝雖嘉其言不

得已。下之獄。既而釋之。補後劉大夏被召使殿

若何。大夏頓首曰。近有旨釋李夢陽。中外權呼

聖德如天地。帝曰。夢陽本內事。關戚畹。且言語

狂妄。朕不得已而下之。獄。朕試問左右。當作何

批行。一人曰。此人狂妄。其杖釋之。朕揣知此輩

欲重責夢陽。致死以快宮中之忿。使朕受殺。直

臣之名。朕所以即釋復職。大夏頓首謝曰。陛下

行此一事。堯舜之仁也。五月。帝不豫。及大漸。召內閣臣

劉健。李東陽。謝遷。至乾清宮。執健手曰。先生輩

輔導辛苦。朕備知之。東宮年幼。好逸樂。先生輩

當教之讀書。輔導成德。健等獻欬受命。翼日帝

崩。皇太子即位。

武宗穆皇帝名厚照。孝宗長子。補帝初在東宮

內使馬永成。谷太用。劉瑾。張永。魏彬。羅祥。邱聚

高鳳。俱用事。時稱八虎。○正德元年。時內使劉

正德元年內使劉瑾用事夢陽論八黨罪

八黨八虎之黨也

武宗皇帝

武宗皇帝

九

大權入瑾手

李東陽歎

也。枕音耻奪

者由司禮監無人也有則人不敢言矣帝怒立命瑾掌司禮監自是大權盡入瑾手勢傾中外莫敢誰何○劉瑾既得志遂以事褫韓文職劉健謝遷劉大夏等乞歸允李東陽祖餞於道歔欬泣下健正色曰何用泣為當白出一語今白亦得歸矣東陽默然補健等前閣議時健嘗推東陽與瑾有舊不出一語既而劉謝皆去位東陽獨被眷留故健言如是○補劉瑾杖謫諸臣之請留健遷者瑾每奏事必偵帝為戲弄時帝厭之亟麾去曰吾用若何事乃溷我自

二年逆瑾下王守仁於獄

頰俯也。字彙祝音以寄也捉也。又魚列坂音孽捺聚俗作捏案捏皆猶言矯詔也

此遂專決不復白於私第批答章奏李東陽等頰首而已○十一月欽天監五官監候楊源奏火星入帝座勸帝預防瑾怒捏旨謫戍在道死中外冤之○二年正月劉瑾捏旨下王守仁等獄杖之幾死尋謫守仁貴州龍場驛補三月劉健謝遷雖既去劉瑾憾不已矯詔列健遷及尚書韓文楊守隨林瀚都御史張敷華戴珊郎中李夢陽主事王守仁等五十三人為奸黨榜示朝堂○黃河清慶雲見於軫蓋湖廣之分野也

○吏部尚書許進以忤劉瑾落職進八子三尚書時有八子

六登第父子翰林學士張芮修撰何塘見瑾長

口猶狡也給給也給

揖不跪坐謫時論壯之補劉瑾猶給頗通古今

常慕王振之為人性貪酷內揣合帝意外日以

深文與太學士焦芳劉宇等矯詔誅斥諸臣朝

廷正人一空莫敢進言者帝喜謂瑾可委任矣

瑾又素猜忌同列有奏事亦必沮抑之為不可

有忤者皆罪之同列亦不能平○三年六月遺

塚階上地

空名書於塚備陳劉瑾罪狀瑾鞫之無肯承者

乃執朝士三百餘人令悉出午門跪聽處分時

酷暑暴烈日中仆死者十餘人李東陽曰此必

一人陰謀朝臣豈盡知之瑾亦廉知其同類所

為乃釋補逮前戶部尚書韓文下獄罰米放歸

劉瑾憾文不已乃以戶部廣東司失金幣冊捏

告下獄監禁數月罰米千石家產不能償皆稱

貸以給○捏告囚致仕尚書劉大夏至京下獄

尋戍肅州初大夏以鎮守中官董讓等貪殘請

按治帝不用致仕歸劉瑾與太學士焦芳譖於

孽要云瑾誦大夏家

實貪乃坐

戍極邊

餉也音葉饋

唐陸贄字

敬輿漢汲黯字長孺

宋包極字

希仁宋司

馬光字君

實通紀云逆

璵誅大夏

自甘肅放

還任道蒙

詔復前職

帝曰籍大夏家可當邊費十二會田州岑猛叛遂謂大夏前為巡撫時激變下獄論死都御史屠瀟持不可瑾慢罵曰即不死可無戍耶乃成肅州大夏就道京師焚香携饒泣錢所至為之罷市後大夏卒人稱曰通達國體如陸贄質直不阿如汲黯廉潔不私如包拯忠誠懇切如司

馬光又曰憂民如有病見客若無官○四年四川劉烈陝西藍廷瑞鄂本恕廖惠霸州劉六劉七等賊各聚一方稱王時草寇竊發補五年三

五年

四年

通達

大夏

致仕還家

遺疾卒年

八十一歲

忠宣

真音至鏞

手艱切

月以洪鐘總制川陝河南鄖陽軍務征流賊鐘與永順土司彭世麟以計禽廷瑞本恕斬之大破其軍廖惠逸去轉掠兩川○四月慶府安化王寘鏞反以誅劉瑾為名京師大震遊擊將軍仇鉞討平之補寘鏞慶靖王曾孫也與其黨周卿周東度田寧夏倍益頃欲圖大事此其怨其黨孫景文謂寘鏞曰殿下欲圖大事此其時矣寘鏞乃殺東及巡撫總兵官遂舉兵反詔起前右都御史楊一清總制軍務以大監張永監軍討之先是仇鉞屯玉泉營寘鏞召之鉞謬以兵隸賊營自稱疾堅固及一清將至寘鏞令昂就鉞問計鉞方呻吟伏卒猝起推殺昂乃提昂首麾兵馳縛寘鏞賊平論以封咸寧伯○

票已曾補元月史各卷三

明武宗

十二

明史紀事本末卷之三

劉瑾

謀成於張永之手詳見一清本
馬端臨曰凌遲者先斬其支体次斷其吭
孽要云帝親籍瑾家金數百萬珠玉宝玩無算所持扇內藏利匕首二帝大怒曰奴

八月內使張永與劉瑾爭權勢不相下遂隙因
寇兵四起言於帝曰皆瑾激成也今瑾不自安
陰謀不軌陛下宜早擒之帝猶豫永曰少遲我
輩薤粉矣帝乃就夜擒之坐以謀逆凌遲諸被
害者爭取其肉啖之籍其家金銀五千餘萬寶
貝無算其黨焦芳等並褫職補瑾流毒五年變吏兵二部選法
將官又以事籍没大臣家收其妻孥日夜簡括
天下庫藏添設巡捕巡鹽官四出誅求諸邊屯
田賦稅以肥私家海內騷然以有實籜之變補
而卒及於禍從來宦官之橫未有過此者
李東陽奏旬月之間實籜劉瑾之二難悉平皆

陳壽

果及詔殊於市

止唯也

大監張永等之功於是封張永兄張富為泰安
伯弟張容為安定伯其他內臣兄弟得封者多
矣補命太監魏彬掌司禮監印時劉瑾雖誅而
權柄猶在內臣魏彬馬永成等擅執朝政賞罰
不正兩河南北楚蜀盜遂起○尚書陳壽卒貧
無殮資親戚助之語曰居官廉雖大臣○許逵
為樂陵令先是民殘於賊逵令各起高墻過於
簷止開一竇竇容一人賊至則閉或伏刃待之
賊兵火無所施且間出奇兵擊之民賴以全○

票已曾補三月各卷三

明武宗

一三二

帝好佛號大慶法王

江西盜賊蜂起

帝方好佛。自號大慶法王。時降旨亦書法王名號。外廷無敢諫者。禮部尚書傅珪性鯁直。佯不知。執奏曰。大慶法王何為者。敢與至尊並大不軌。當誅。帝亦弗問。補其後帝習韃靼語。自名忽必烈。習回回語。自名妙吉。教名。領古班丹。補六年二月。江西諸郡盜賊蜂起。撫州有東鄉賊。南昌有姚源賊。瑞州有華林賊。贛州有大帽賊。官軍屢戰失利。於是召左都御史陳金。總制江西軍務。發兵征之。金調廣西狼土兵進討。半歲間。俘斬二萬七千餘人。立東

賈音世賈也。剽劫也。劫同。

鄉萬年二縣。招降人居之。然土兵貪殘嗜殺。剽掠甚於賊。金方倚其力不為禁。土民深怨焉。補七月。霸州流賊劉六劉七劫掠畿內州縣。擁眾北向京師。戒嚴。先是文安盜張茂交通內官為姦。劉六劉七等附之。後茂為官軍所獲。劉六劉七自首伏誅。貫死。捕賊自贖。尋叛去。聚眾剽劫。旬日間。眾至數千。至今年賊勢甚熾。殘破州縣。命惠安伯張偉。右都御史馬中錫討之。無功。以兵部侍郎陸完代。完屢奏捷。太監谷大用等謂

七年

擊要云。七年閏五月。劉六劉七等為官軍所敗。八月。遁走至通州狼山。遇颶風舟覆。賊盡載焉。
 賊即可平。冀邀封賞。與伏兔伯毛銳帥京軍往討。駐臨清。與賊交戰。大敗。擄折官軍。喪失輜重。無算。徵回京師矣。凡自畿輔迄江淮楚蜀羣盜。縱橫陷山東七十餘城。道路梗絕。明年命咸寧伯仇鉞副都御史彭澤討之。劉六奔夏口。劉七自大江下。孟漬奔保狼山。官軍分道擊之。劉六。劉七並中流失矢死。凡三年始平。○七年正月。黃河清五日。羣臣稱賀。補八月。帝所悅。中官奴卒。輒收為義子。亡虜亦與焉。並賜國姓。凡一百二十七人。補大同遊擊江彬有寵于帝。因謂邊軍驍悍。勝京軍。請互調操練。於是調大同宣府遼東延綏四鎮兵入京師。號外四家軍。彬兼統之。帝別領羣閹善射者為一軍。與彬等晨夕馳逐。甲光照宮苑。呼譟聲達九門。補八年正月。召陳金還。以右副都御史俞諫代之。初陳金破江西賊。其降眾乘間遁。轉掠徽州。衢州餘眾復集。至是以俞諫代金。明年連破賊於貴溪。平之。補八月。土魯番據哈密。先是忠順王陝巴死。子速壇

六年

土魯番據哈密

十七人。補大同遊擊江彬有寵于帝。因謂邊軍驍悍。勝京軍。請互調操練。於是調大同宣府遼東延綏四鎮兵入京師。號外四家軍。彬兼統之。帝別領羣閹善射者為一軍。與彬等晨夕馳逐。甲光照宮苑。呼譟聲達九門。補八年正月。召陳金還。以右副都御史俞諫代之。初陳金破江西賊。其降眾乘間遁。轉掠徽州。衢州餘眾復集。至是以俞諫代金。明年連破賊於貴溪。平之。補八月。土魯番據哈密。先是忠順王陝巴死。子速壇

明武宗

明武宗

十一

漢書注云。噍食也。如淳曰。類無復有活而噍食者也。六科給事中。及十三道御史。謂之科道。蓋諫官也。

年十二

拜牙郎立。淫酗不道。屬夷謀害之。至是走歸土魯番。其王速壇滿速兒據之。○九年二月。寧王宸濠奏乞復護衛屯田。許之。費宏曰。苟遂其請。吾江西無噍類矣。力阻之。不允。江西副使胡世寧上言。寧府有異謀。寧王恨之。遂賂內使中以危法論死。賴科道交救。改戍○宸濠太祖子寧王權之後也。國南昌。性貪殘。僭侈。志欲無涯。而以文行自飾。天順間。寧府以事革。護衛屯田。劉瑾用事。宸濠賂瑾。復得之。瑾誅。復革。能至是。宸濠陰結義子錢。寧及兵部尚書陸完。輦白金鉅萬。徧賂朝貴。乞之。費宏力言。不當。予之。○十二年六月。秦府宸濠既復護衛。益橫驕。

梁儲善諫

稟謂稟然戰慄也。

回天謂回旋帝心也。

請關中田許之。命草詔。廷臣力阻。不聽。太學士梁儲承命上詔草。略曰。高皇帝著之。令曰。此土且饒。藩封得之。多蓄士馬。奸人誘為不軌。不利宗社。今王得此。當厚自謹。稟毋收聚。外人毋多養。兵馬。震我邊疆。危我宗社。帝覽制。駭曰。洵若至此。欲復休親。親不可得已。帝覽制。駭曰。洵若是。是可虞。其勿與儲以從容。回天時。咸推其善諫云。○八月。帝出遊宣府等處。至太同還。

之也。初。江彬與邊將許泰。劉暉等。皆有寵於帝。賜姓朱氏。號外四家。與帝同卧起。遊戲。而彬寵尤盛。言無不從。先是。屢導帝出宮。遊近郊。至是。遂遠出關外。太學士梁儲等。追及於沙河。請回蹕。不聽。自宣府轉遊。至大同。北虜五萬騎。入寇。諸將王勛等。力禦之。轉戰五日。至應州。寇引

票已曾補心月史各卷三

明武宗

十一

天子之棺以梓為之者數百人

天子之棺以梓為之者數百人。補十三年正月。帝復出關遊幸。補二月。太皇太后王氏崩。謚曰孝貞皇后。補六月。葬

孝貞皇后。梓宮發京師。帝戎服從。至陵飲帳殿。及升祔。帝至暮乃入廟。雷雨大作。燭盡滅。言官

上疏請修省不報。○帝獵黃花鎮等地。閱月乃還。復議北巡。命草救自稱威武大將軍。梁儲毛

紀等連名上疏曰。陛下為君乃自卑而列于臣。臣草救是以臣名君也。救不敢草。帝大怒。手劍

立曰。不草救齒。此劍必儲免冠解服曰。臣逆命罪應死。然勅終不敢草。帝乃悟。遂止。○時帝未

有嗣。廷議建儲。錢寧受寧王賂謀立其子梁儲。厲聲曰。皇上春秋鼎盛。豈宜輕建。乃止。○帝復

幸太同宣府。至榆林而還。凡六閱月。補七月。提督南贛軍務都御史王守仁平江西賊。初陳金

討姚源華林諸賊。多取招撫。未大懲創。民間父兄被殺者不得報讐。時相詭訛。諸凶不自安。轉

徙嘯聚。不數年仍起為盜。又南贛地多深阻。易為巢穴。南安橫水桶岡諸寨有賊首謝志山等。

詭訐也。嘗毀也。

至守仁平賊

鼎方也

師古注齒謂當之也

以爲殿因謂之帳殿升祔謂命食於祖也

以爲名

網鑑注云

野次連幄

以爲殿因

謂之帳殿

升祔謂命

食於祖也

相言其利也

洲音利。

漳州瀕頭諸寨有賊首池大髯等於是江西福建廣西湖廣之交方千餘里皆亂兵部尚書王瓊薦守仁才特用之守仁先攻大庾賊巢潛兵入險乘夜縱火師大捷既而進攻橫水破賊巢三十八斬首三千有奇四道積年連寇至是悉平○十四年二月帝欲巡泰山歷徐揚抵南京下蕪湖浮江漢登武當遍觀中土時寧府久蓄異謀欲乘釁發內外咸以為憂修撰舒芬率部院科道合疏諫帝大怒杖芬等百有七人而舉

年十四

寧王
異謀
已露

孫燧
許達
死節

朝仍以死諫車駕乃不果○六月寧王宸濠異謀已露帝遣顏頤壽等往諭之輩其護衛宸濠得報大驚遂決計反會宸濠生日宴都御史孫燧兵備副使許達等明日燧等入謝宸濠出立露臺大言曰太后有密旨命起兵監國燧曰果有旨巡撫大臣當與聞請出觀之宸濠曰不必多言我往南京汝保駕否燧不可王怒遂縛之達曰朝廷命官反賊敢殺耶罵不絕口亦被縛俱斬遂據南昌遣兵即攻南康九江破之舟楫

票已曾補

明武宗

聲宜也

王守仁率義兵討賊

蔽江而下。聲言直取南京。道經安慶。知府張文錦死守城上。矢石如雨。賊衆多傷。不能直行。遠近因得為備。御史李克嗣飛章告變。江彬請親征。王瓊曰：有王守仁在，必就擒矣。母煩聖駕。王守仁與伍文定率義兵討賊，直趨南昌。破之。寧府眷屬悉自焚。補時守仁方奉命勘事福建至豐城聞變遂還與吉安知府伍文定謀傳檄遠近諸路勤王兵既集或議救安慶守仁曰九江南康皆為賊據我若越一城趨安慶賊必回軍死鬪是腹背受敵也賊精銳悉出守備皆空不如直搗南昌使彼解圍自救然後逆擊之湖中蔑不勝矣衆稱宸濠聞南昌報善文定陪道進夜半破廣順門宸濠聞南昌報

不用婦言而

龍溪先生評云：先生為避一身之危害為之則大不可。若為國家權宜而為之則甚可。是等之也。何謂反乎？遣還鎮令更上捷奏。守仁易前奏，江彬及內使張忠、許泰等嫉其功，諂守仁必反。帝召守仁馳至，忠、泰阻遏之，不令入見。乃入九華山宴座，草廬帝親知之曰：王守仁道學人也。何謂反乎？遣還鎮令更上捷奏。守仁易前奏，急遂棄安慶歸。義兵迎擊之。宸濠為萬安知府王冕所執，而賊黨遂平。初宸濠反，妻妃泣諫不聽。至是在櫺車，痛哭曰：昔紂用婦言而亡，我今以不用婦言而亡也。○時宸濠雖擒，捷音猶未至。京帝欲假親征南遊，遂出駐良鄉。捷至，滌儲請回鑾，不聽。帝至南京，內使張忠等謂當縱宸濠於鄱陽，待帝親戰，論功。守仁不許。補守仁上書請獻俘

宸濠自盡猶言自殺也

蔡豸 年十五 江彬 不軌

事不可與

言奉上方略討平寇亂且盡入諸嬖幸名彬等乃無言

明年宸濠囚至通

州帝令自盡燔其屍揚之○陞賞王守仁等而

贈孫燧許達等秩立廟祀之○詔禁豸豸以同

國姓也刻日小民殺猪殆盡○十五年正月帝

在南京江彬從陰懷不軌一日索各城門鎖鑰

兵部尚書喬宇曰城門鎖鑰孰敢索亦孰敢與

雖天子詔奈何彬每假旨有所求宇輒請面送

彬計多阻○八月帝駐蹕南京既久仍有泛江

浙相湖之意梁儲蔣冕執奏回鑾跪午門自午

至酉不起乃允補閏八月帝發南京十二月遂

還京師○十六年三月帝崩於豹房補先是帝

為豹房楊廷和梁儲等奉太后旨遵兄終弟及之

祖訓迎興獻王子厚熹立之陳建曰嘗視正德

祚我明永也逆瑾滔天不黨亂吹何異漢五侯

十常侍唐甘露之黨也流賊之擾通于中外何

異漢黃巾唐黃巢元紅巾之亂也慶寧二府之

變何異漢七國晉八王之禍也名遠兵入衛京

師何異漢召董卓變也武宗之荒淫遼燕何異

秦漢隋唐之季也嗚呼前代有一於此未有不

心今乃叢是數者而國家

安如盤石豈非天意哉

世宗肅皇帝名厚熹憲宗次子興獻王子武宗

十六

明紀云九月

月帝至清

江浦泛小

舟漁於積

水池舟覆

左右掖帝

出自是遂

不豫

五侯單超

徐璜貝瓊

左惟唐衡

十常侍趙

忠張讓等

見靈帝紀

甘露謂李

訓鄭注等

標記增補元明史略卷三

明世宗

三

誅江

梁儲 度量 淵弘

廷臣 會 議 張 璠

七國楚趙 吳膠西膠 東菑川濟 南 入王汝南 王亮楚王 瑋趙王倫 淮南王九 成都王穎 齊王同河 問王顯長 沙王又 盤磐通大 石也

從弟也。武宗無嗣，迎立之。補帝之未至京師也

七日。中外倚以為安。及草登極，詔盡革正德中弊政。郵錄言事，諸臣中外大悅。○誅江

彬等籍彬家得黃金七十櫃，銀二千櫃，每櫃二

千餘兩，金銀寶飾一千箱，餘不勝紀。補彬知天

竊疑其黨都督李瑞勸彬速反，不勝則北走塞

外。彬猶豫未決。楊廷和密與將冕、紀及太監

張永等合謀捕之，下詔獄，籍其家。梁儲致仕儲

尋與李琮、神周、錢寧等俱棄市。立朝四十年，所居無赫赫名。去後多令人思。初

帝以迎立功，欲廢其子錦衣指揮儲，不受。卒之

日，子孫不免貧乏。儲度量淵弘，言者嘗誅儲主

試受賂，儲不辨。又試儲交通寧王，亦不辨。後寧

王敗，得所餽簿，獨儲不與。言者怙然大服其量。後

數年卒。諡文康。○廷臣會議尊武宗為皇兄

孝宗為皇考，孝宗后為皇太后，興獻王為叔父

母為叔母，不得加皇字。帝不允。主事張聰曰：朝

議尊聖考為叔父母，為叔母，不遇拘漢定陶王

宋濮王故事耳。今聖考往矣，即稱以叔父，幽冥

之中或不可知。但迎養聖母，稱以叔母，則當以

君臣禮見。恐子無臣母之義。臣謂繼紉武宗而

和楊廷

尊崇其親則可繼嗣孝宗而自絕其親不可也。帝得疏躍然以示蔣冕楊廷和等冕廷和封還御批羣臣交劾張璠逢迎帝意帝不得已勉從之時迎聖母至京禮部奏用王妃儀仗帝泣啓皇太后願避位躬奉聖母歸藩以終孝養羣臣惶怖乃稱興獻王為興獻帝王妃為興獻后後三年竟再下詔改孝宗曰皇伯考孝宗后曰皇伯母興獻王曰皇考母曰聖母而徽號乃定以議典禮忤旨吏部侍郎何孟春已下戍邊奪俸

徽美也。

嘉靖元年

二年

者前後二百餘人。後十七年改皇考為睿宗獻

陳建曰武宗無嗣而以皇弟及之訓乃繼統非繼嗣也何得泥為人後者

為之子之說以例擬哉且今日之事又與宋濮王不同宋仁宗無子今孝宗有武宗為之子矣

不謂一也宋仁宗曾育英宗于宮立為太子未嘗育于孝宗不同二也宋濮王有衆子今興

獻王止上一子不同三也此禮似甚易曉何舉朝之昧之也。○嘉靖元年正

月封王守仁為新建伯補十月屏去舊閣谷太

用邱聚補二年太監崔文誘帝建醮宮中日夜

不絕給事中劉最劾文左道糜帑帝怒謫廣德

州判文憾不已撫最他事戍之極邊其後帝以

正字通設壇祈禱曰醮

據之石坂拾也

原已曾前七月

明世宗

泰珊 上十

書曰民斯邦本

無諸嗣。益修齋醮。○三年。南畿大飢。人相食。子殺父。弟殺兄。有之。帝發帑金十五萬。以賑。○余

珊倣魏徵。上十漸。紀綱漸頹。風俗漸壞。國勢漸

漸凋。言路漸塞。邪正漸淆。君臣漸睽。災異漸臻。帝嘉納之。○補楊廷和罷。

自帝即位。廷和遇事數諫。諍忤旨。累疏乞休。許

之。○補四年六月。作世廟。初國子生何淵。首請崇

祀皇考於太廟。章下。廷議羣臣俱上疏爭。翰林

學士張璁言。孝子之心無窮。分則有限。得為而

不為。與不得為而為之。均為不孝。別立禰廟。禮

之得為者也。臣昧死勸陛下為之。入太廟。禮之

不得為者也。臣昧死勸陛下勿為。禮部尚書席

書亦三疏勸止。俱不報。璁乃謂書曰。聖心未慊

也。須別立廟。不干太廟尊尊。親親。並行不悖。書

等遂請於皇城別立一廟。詔可。定名世廟。後更

名獻皇帝廟。○補五年四月。田州指揮岑猛反。詔

都御史姚鏌討誅之。廣西岑氏自洪武以來。世

為土知府。弘治六年。猛見獠弑父自立。為土目

黃驥李蠻所殺。猛奔梧州。督府奏以猛襲其父

廟作世

禰奴禮切。父廟曰禰。

慊厭足也。

五年

獠音者。

崇已曾甫

明世宗

六年

官正德中。猛賂劉瑾。得以同知攝府事後。從征江西流賊有功。異復祖職。不能得。頗怨望。又自恃兵力。數侵奪鄰境。巡撫都御史盛應期。上猛反狀。請討。會應期以他事去。詔鎮往代斬猛子邦彥。歸順。土知州岑璋殺猛。後遂改田州為流官。○六年。張璁上疏略曰。人君以論相為職。宰相以正君為功。頃來內外諸臣。苞苴公行。因為常例。而郡縣為監司之府庫矣。監司為部院之府庫矣。部院又為內閣之府庫矣。疏入。帝善之。

七年

補田州既設。流官州人皆不樂。岑猛黨盧蘓。王受等為亂。陷州城。詔起王守仁。兵部尚書督兩廣軍討之。守仁疏言。田州地鄰交趾。猺獞出沒。宜仍設土官。俾為屏蔽。遂至田州。招撫諸軍解甲。休息。蘓受初求撫不得。至是大喜。乞降。守仁數二人罪杖而遣之。隨入營。撫定其眾。因上言。岑氏世有功。治田州。非岑氏不可。請以猛次子邦相署州事。設巡檢司。以蘓受等任之。並受約束於流官。報可。田州以安。補七年五月。北京諸

省簡也。

省大旱。詔求直言。大學士楊一清曰：今日之務，在省事不在多事。在寬厚不在煩苛。昔人有言：國有不足懼者五，深足懼者六。今日弊政坐此，臣舉其要曰：舉賢才以充任使，收人心以固邦本。求直言以防壅蔽而已。帝嘉納之。補九月，王守仁平斷藤峽。猺兩廣郡縣罹賊害者數十年。守仁既平，田州兩廣父老遮道言狀。盧蘇王受亦請立功自贖。守仁乃潛約兵期討之。賊悉平。初，守仁赴廣西，禮部尚書桂萼諷令乘機取交

王守仁平斷藤峽

悸。心動也。

卓爾一貫。共見論語。

御製十六字箴

會議王守仁功罪

此守仁辭不應。萼大恚。至是斥守仁，征撫交失。補十月，皇后陳氏崩。帝性嚴厲，后一日偶忤旨，大恚，墮娠崩。補十一月，立妃張氏為皇后。御製十六字箴曰：卓爾之見，一貫之唯，學聖君子。場哉勿偽。○八年正月，王守仁以病篤，離任道死南安。補守仁，浙江餘姚人，字伯安，號陽明山宗。程朱而曰格物致知，當返諸心，不當求諸事物。故其為教專以致良知為主，從遊弟子甚多。所著錄有《帝謂其擅離任，無人臣禮，命廷臣會議守仁功罪，桂萼言其號召生徒，倡為邪說，詆毀

倡唱通。

勦音焦。絕也。殺也。

書甘誓篇。曰。天用勦。

絕其命。注。勦。截也。截。

絕謂滅之。詩。狼跋。篇。

云。公孫碩。膚。注。膚。美。

也。又六月。篇。云。薄。代。

獾。猶。以。奏。膚。公。注。膚。

大也。公切也。

林希 元上 荒政 叢言 二難 三便 六急 三權 六禁 三戒

先儒幾無忌憚矣。雖勦捕逆濠。論功足錄。然邪

說之禁不容姑貸。帝從之。奪其子孫封廢。止令

伯爵終身。按。陽明劾逆瑾。擒宸濠。勁節凌霄。膚

道。至隆。萬間始得贈伯爵。諡。文成。從祀廟食。公論。乃定矣。○二月。河南襄陽

大饑。巡按湖廣御史張祿繪圖以獻。帝憫之。詔

有司亟賑。時廣東僉事林希元上荒政叢言曰。

救荒有二難。曰得入難。審戶難。有三便。曰極貧

民。餒賑米。次貧民。餒賑錢。稍貧民。餒賑貨。有六

急。曰。垂死貧民。急。饘粥。疾病貧民。急。醫藥。病起

貧民。急。湯米。既死貧民。急。墓瘞。遺棄小兒。急。收

養。輕重係囚。急。寬恤。有三權。曰。借官錢。以糶糴。

興工作。以助賑貸。牛種。以通變。有六禁。曰。禁侵

漁。禁攘盜。禁遏糶。禁抑價。禁宰牛。禁度僧。有三

戒。曰。戒遲緩。戒拘文。戒遣使。帝以其切於救民

皆從之。○補五月。夏定袞冕。及諸侯朝祭服制。○補

六月。前少師楊廷和卒後。帝問有司。太倉

所積幾何。對曰。可支數年。由陛下初年裁革冗

員所致。帝慨然曰。此楊廷和功也。隆慶初。復官

○

遼於計切。埋也。糶他吊切。糶音狄。牛種言耕。牛粟種也。宰殺也。

九年

立啓

十年

十一

馮恩
上疏

贈太保諡文忠○九年十一月改奉孔子為先

師易像為木主別立啓聖祠其俱張璠所議也舊

天子無并王之禮也故改舊以孔顏孟曾之父

此等識識真能超出前代補十年九月以李時

為文淵閣大學士近閣臣相傾軋謹囑不已張

璠桂萼罷楊一清卒翟鑾獨秉政者兩月時入

兩人皆遜順無齟齬政府稍寧○十一年五月

召方獻夫同張璠入閣辦事○八月彗星見東

井御史馮恩上疏言張孚敬即張璠時根本之

孽也注鉉腹心之孽也方獻夫門庭之孽也乞

斬三奸以應天變帝怒下恩獄鉉欲議斬之孚

敬曰不可此子立名非真久當自敗殺之吾儕

任其咎遂成孺子之名也後恩子刺血訴闕請

以身代帝動容曰忠孝乃出一家耶因令減死

議戍○帝好瑞四方白兔白鹿甘露靈芝瑞麥

嘉禾無歲不獻補十二年十月小王子屯大同

塞外總兵官李瑾浚濠以遏虜騎督役甚急役

卒王福勝等數十人作亂殺瑾總制劉源清討

十二

屋也明史馮恩
傳云除行
人出勞兩
廣總督王
守仁遂執
贊為弟子
云云恩獲
罪出長安
門士民觀
者如堵皆
歎曰是御
史非但口
如鐵其膝
其膽其骨
皆鐵也因
稱四鐵御
史

票已曾補元月

明世宗

標記補元明史卷三

二十七

師古曰首惡者唱首為惡也

十三

建精一堂

十四

漢文帝紀云上每朝郎從官上書疏未嘗不止輦受其言言不可用置之未嘗不

悍校也

十五

躁恐躁誤

之晝夜攻圍叛卒潛出塞誘小王子入寇源清請增兵禦寇而已欲專攻城不許源清遂謝病帝怒黜之以張瓚代瓚至下令無攻城諭用兵非朝廷意禽斬首惡勞諸將撫定之○十三年廢皇后張氏立方氏為后○金星晝見與日爭光○建精一堂命張孚敬于堂東書敬一二字及誠意正心四字於堂西繪漢文止輦受諫圖補十四年遼東巡撫都御史呂經以苛虐失衆心為亂卒所執幽之都司署帝聞召經回行至廣寧悍卒于蠻兒等復執辱之巡按御史曾銑上言往者甘肅大同軍變處之過輕羣小遂狂為故帝今宜誅首惡以懲其後乃捕斬數十人懸首邊城全遼大定擢銑大理寺丞經謫戍補十五年正月以劉天和為兵部左侍郎總制三邊時小王子稍厭兵徙慕東方稱土蠻其族曰吉囊曰俺答者雄黠喜兵居河套為諸部長躁躡諸邊天和赴鎮修戰具飾邊備築增城堡吉囊大舉入寇天和檄副將白爵參將吳瑛等連

崇己曾補元月各卷三

明世宗

二十七

風土記云。端午以艾為虎形。

十六

敗之。○五月。端節宴羣臣於奉天殿。賜李時夏言郭貞艾虎等物。復命登龍舟。侍宴盡懽而歸。○除禁中佛殿及像。補十六年正月。詔右都御史毛伯温討安南。初安南黎利立為王。傳至黎。諫其臣莫登庸逐諫篡位。不通朝貢者二十餘年。至是。諫子寧遣使告難。詔伯温等督軍討之。兵部侍郎潘珍言安南叛服無與中國。用兵非計。但當罪其不庭。莫必遠征。帝怒。褫珍職。遂命伯温進師。○十七年。御史何贊言勦套虜二策。

十七

勦套虜二策

刁丁聊切。古者軍有刁斗。以銅為鑊。受一斗。晝炊飯。夜擊持行。

方士邵元節贈少師

一曰。計以破之。命西北諸鎮各出遊兵往來侵擾。使彼分救不暇。且伺其北寇宜大。
 二曰。勢以逼之。于邊境多置斥候。盛陳輜重。戰之勢或時乘其懈散。而以大兵臨之。其要尤在久任撫臣以貴成功。復興屯田。以裕邊儲。
 帝善之。而不果。○方士邵元節死。贈少師。號致真真人。補元節。龍虎山道士也。帝崇道教。嘉靖三年召入京師。大加寵信。封真人。去年以皇儲生嘉其禱祀。功拜尚書。元節病危。薦陶仲文。亦方士。號帝授禮部尚書。後加秩少師。少保。少傅。得幸於帝二十餘年。及卒。葬以伯禮。鄭氏曰。我朝開國靖難。勦賊。內閣三

三孤少師。楊吏宰三王皆未有兼總三孤者。仲○十二月。少保少傅文以一真人而蒙殊榮總三孤何哉。

太后崩母帝生帝親詣治陵悽愴號慟羣臣莫不

盡哀補十八年二月帝將南巡立子載慶為皇

太子時三歲以宣城伯衛綽大學士顧鼎張瓚等

協守又慮塞上有警特遣重臣巡視命翟鑾節

制諸邊○四月帝南幸羣臣力諫不聽駕發於

京夜半行宮火延及御寢帝惶遽莫知所避指

揮陸炳排闥入負帝出焰中後次亢村行宮復

火帝大怒下撫按三司於獄示儆所經郡邑供

億良苦四閱月乃還京師補十九年八月方士

段朝用上言居深宮無與外人接則黃金可成

不死藥可得乃以所煉白金製器因郭勛以進帝

與語大悅即諭廷臣令太子監國朕靜攝一二

年乃親政舉朝愕不敢言太僕卿楊最上言聖

諭至是不過信方士調攝耳黃白之術金丹之

藥皆足以傷元氣不可信也惟望端拱恭默不

適聲色保復元陽不期仙而自仙不期壽而自

壽帝怒立下詔獄杖殺之監國議亦罷明年勛

攝攝生也

十八年 帝南巡

十九年

票已曾補元月史各卷三一

明世宗

三一

木言... 卷三

吉囊 俺答 連年 入寇

以罪死。朝用亦伏誅。隆慶初，贈最副都御史。謚忠節。補吉囊俺答連年入寇，邊將禦之，屢被殺傷。是年七月，分道寇大同。九月，復入固原。諸將多畏縮。總制劉天和斬指揮二人，遣總兵周尙文大破虜於黑水苑，斬吉囊子小十王。吉囊遁走寧夏。巡撫楊守禮等復邀擊於鐵柱泉，大敗之。補二十年，時帝經年不視朝，日事齋醮，工作煩興。禮部尙書嚴嵩寵任用事，賄賂公行。邢侗日親。二月，監察御史楊爵上疏歷陳諸弊，諫詞甚切直。帝震怒，立下詔獄杖之。自是無敢言者。補四月，置安南都統使司。初，毛伯溫等督師抵廣，莫登庸面縛軍門。上土地軍民籍，請奉正朔。帝大喜，改安南國為安南都統使司，授登庸都統使。三歲一貢，以為常。補二十一年七月，以嚴嵩為武英殿大學士，參機務。廷臣論劾嵩貪婪狡獪，不聽。嵩無他才略，惟一意媚帝，竊權罔利。帝英察自信，果刑戮頗護。已短嵩，以故得因事激帝怒。戕害人以成其私，誅斥者不可勝計。補

二十一年

置安南都統使

二十一年

婪音嵐亦貪也

票已曾補元月史各卷三

明世宗

三十一

才言此補元明列傳卷二

二十二年
二十三年

明紀云帝宿曹妃宮云云后命內監捕宮人雜治知王寧嬪定首謀又言端妃亦與知后傳旨收端妃寧

俺答寇山西時吉囊已死諸子不相屬散處河套勢分惟俺答日強盛屢犯塞至是大舉入朔州抵廣武由太原南下沁汾大殺掠人畜參將張世忠等戰死俺答既勝轉掠定襄廣昌乃出陽和塞而去○十月帝幸曹妃宮既寢宮婢楊英以組經帝頸有張金蓮者奔告后后馳救得免詔誅楊英等而及曹妃妃死帝每痛其冤○二十二年榮惑入南斗嘉靖間入斗者數以補二十三年五月建州夷犯遼東補八月嚴嵩既入內閣竊

續及金英等悉磔於市久之帝知妃冤

二十五年

曾銑請復河套

弄威柄內外百執事有所建白俱先白嵩許諾然後上聞于是副封苞直輻輳其戶外大學士翟鑾位其上嵩惡之喉言官劾其子寅緣舉進士遂斥為民補十月俺答破宣府塞入紫荆關補二十五年四月以兵部侍郎曾銑總督陝西三邊軍務是冬俺答以十萬騎入掠延安慶陽銑率兵數千禦退之補十一月曾銑請復河套曰套賊不除中國之禍未可量也今日之計宜用練兵六萬人多備矢石每當秋夏之交水陸

票已曾補元月史各卷三

明世宗

三十一

水言土...

墩。平地有
堆者。

迄。竟也。

二十
六年

並進乘其無備。直搗巢穴。則彼不能支。歲歲為
之。益勵彼勢。必折俟其遠遜。然後因故疆。并河
為塞。修築墩墜。講求屯政。以省全陝之轉輸。壯
中國之形勢。此中興之大烈。國家萬年之計也。
疏下。兵部議。皆謂。率數萬之眾。深入險遠。艱阻
之域。以驅數十年盤據之兵。談何容易。部議不
決。帝曰。復套之議甚壯。本部迄無定見。何也。令
銑與邊臣計議。以聞。補二十六年四月。俺答詣
大同塞。求入貢。朝議疑之。帝曰。逆寇連年為患。

誠古伯切。
說文斷首也。

曾銑
上邊
八事
二十
七年

詭言求貢。勿聽。從成邊臣嚴防禦。補五月。曾銑
出塞襲套部。斬馘甚眾。套虜遠遁。不敢近塞。銑
以捷聞。命賞銀幣。○初。楊爵以直忤帝。有旨逮
係獄。時爵食麥飯。畢即行。官校令內別。爵曰。行
矣。勿復顧。至是以宮中火。赦爵歸。忽有大鳥集
舍。爵曰。吾死矣。遂自為墓誌。果卒。○十一月。曾
銑上邊務十八事。營陣八圖。帝善之。○二十七
年。正月。俺答入河套。補五月。俺答寇偏頭關。七
月。寇大同。九月。入宣府。塞寇居庸。聲勢甚張。○

票已曾...

明世宗

三十三

三十
八年

二十
九年

嚴嵩論曾銳妄開邊釁處斬妻子流三千里天
 下寃之。因論大學士夏言黨銳誤國同斬其妻
 蘇氏請以身代不許補二十八年二月俺答犯
 宣府把總江瀚指揮董暘戰死全軍覆遂犯永
 寧總兵周尙文力戰敗之斬其魁虜乃遁去補
 三月皇太子載轡卒○二十九年六月虜寇大
 同總兵張達血戰死之詔贈達官立廟以祀○
 八月北虜合套虜大舉入寇人同宣府所過無
 不殘毀直逼保定通州犯京師補俺答諸部大

邊鎮
乃京
師門

下長驅至通州管白河東分兵四掠時僉都御
 史王忬守通州夜總人走京師請援京師始獲
 急集諸營兵城守遣都御史王儀以三千騎援
 通州又命都御史商大節募民間材勇合四萬
 餘時寇已薄都城矣諸路勤王兵亦至詔以大
 同總兵仇鸞為大將軍節制諸路兵馬制下○
 師牛酒諸費皆不知所出戶部文移往復越二
 三日軍士始得數餅餓疲甚帝越戰甚急兵
 部尙書丁汝夔以各嚴嵩嵩曰塞上敗可掩○
 下敗不可掩寇飽自馳去耳鸞等皆不敢戰寇
 焚掠三日火進犯諸陵轉掠西山良鄉以西始
 日夜燭天○
 出塞○按嘉靖元年至今北虜無歲不寇宣大邊
 臣束手任飽其欲而去內迎戰死節者十
 之一二能偶致捷者周尙○總兵仇鸞請選各
 文數人而已餘不及細畫○
 邊銳卒留衛京師帝曰邊鎮乃京師門戶禦寇

沈練 劾嚴嵩 三十年

不於門戶而拈鬪於堂與可乎乃命各還本鎮

○三十年正月錦衣經歷沈練劾嚴嵩父子奸

貪十大罪下練獄後中以他事斬○三月虜請

貢馬互市詔開市於大同補初仇鸞倡大舉北

密遣人結俺答義子脫脫使俺答以貢馬互市

為請俺答利中國貨幣投譯書宣大總督燕祐

求之祐以聞鸞與嚴嵩贊兵部員外郎楊繼盛

成之群臣弗敢異帝從之

上疏言廷臣議開馬市其不可有十補我如是

而我與議和忘天下大信二曰堂堂天朝與大羊市

且嬰議失天下大信三曰堂堂天朝與大羊市

損國家大威四曰豪傑誓死決戰和則灰其效

用之五曰將士儉安解天下脩武之志六曰

往古邊臣私通外寇七曰國威日玩人思效尤起

開邊方交通之八曰長胡虜輕中國之心九其

百姓不靖之漸九曰忘天下根本之計其

日墮胡虜狡猾之計十曰陰修武備大果欲修武

謬有十一曰外開馬市陰修武備大果欲修武

也十二曰果可必安事戰馬况虜亦安肯以良馬市

夫和果可必安事戰馬况虜亦安肯以良馬市

也十三曰馬我猶得少償其價貢則徒手取空利矣謬

撓亂也

籍藉通借也

三十年

帝思其疏皆驗乃復其官○三十一年仇鸞請

討朶顏諸夷侍郎何棟曰朶顏犬羊也縱有反

王相

覆為患尚小北虜虎狼也若使據此禍將無極
 今剪除朶顏北虜必據為巢穴是撤藩以延寇
 也帝善之○四月虜寇遼東守備王相率數百
 人力戰胸首被創或阻之相曰以此一腔血報
 君恩耳遂戰死帝聞贈相官廕其子○補八月仇
 鸞死戮其屍初馬市既開諸邊日苦侵暴帝命
 鸞逐寇大同鸞不得已出鎮川堡遇伏敗還至
 是病疽猶戀大將軍印不肯上兵部尚書趙錦
 言強寇壓境而鸞病不能軍萬一寇眾長驅貽

劇甚也

也暴露也曝

憂君父不小帝命罷鸞以總兵陳時代之鸞大
 恚恨疽益劇遂死錦衣都督陸炳發其通虜納
 賄狀帝大怒下詔暴鸞罪追戮之傳首九邊○補
 十二月俺答以羸馬索厚值弗予輒大譁大同
 帝則寇宣府宣府市則寇大同甚者朝帝暮寇
 併羸馬掠去帝惡之詔罷馬市○三十二年正
 月楊繼盛疏嚴嵩十罪五奸略云太祖罷相府
 而嵩居之滅祖制也詔旨出皇上而嵩矯之奸
 大權也皇上有善政嵩每攘為己功掩君美也

三十 二年 楊繼盛 嚴嵩 十罪 五奸

說文緹帛丹黃色也

漢官儀曰執金吾有緹騎

魏明帝種瓜篇與君新為昏瓜

葛相連結唐文宗紀

注瓜葛有所附麗若瓜葛然

瓜葛然瓜葛然瓜葛然

瓜葛然瓜葛然瓜葛然

瓜葛然瓜葛然瓜葛然

瓜葛然瓜葛然瓜葛然

海賊入寇

嵩之矯詔皆子世蕃手出縱奸子也令孫効忠
 妄冒邊賞竊軍功也受仇鸞金三千而薦居大
 將黨悖逆也胡虜深入屢戍勿戰誤軍機也徐
 學詩等以劾嵩削籍擅黜陟也選除貪吏而百
 姓受毒失人心也貪汚成風牢不可破壞風俗
 也然此十罪又有五奸濟之賂皇上左右揣知
 上意而逢之是皇上之左右皆嵩間諜也以趙
 文華為通政凡疏必先投副封是皇上之繼言皆
 嵩鷹犬也懼緹騎緝訪即與敵衛聯姻是皇上
 之爪牙皆嵩瓜葛也畏臺諫有言凡選舉必出
 其門是皇上之耳目皆嵩奴隸也慮部臣不能
 無言廣羅有材望者結之是皇上之臣工皆嵩
 心腹也帝大怒廷杖之血肉至忿起尋處斬盛
 妻張氏乞代不許威臨刑詩云浩氣還太虛丹
 心照千古平生未報恩留作忠魂補天下傳誦
 冤之時郎中史朝賓等以論救俱貶○三月海
 賊徽州汪直糾倭虜入寇賊艦蔽海而來蘓浙
 等地千餘里無不殘戮後巡撫胡宗憲以鄉情

票已增補元明史略卷三

三十四年

地震

三十五年

三十六年

雷雨

憲亦誘直降許封官秩遂執乎之。按是時北虜左橫而南倭

復發終嘉靖之世南北騷擾幾無寧日矣○三十四年倭寇常熟有

鄉官錢泮率民兵戰死之帝聞立廟祀焉○倭

突入歙縣由旌德等地直入南京所過殘害御

史曹邦輔追賊于杲舍盡殄之○十二月山西

陝西河南同時地震如雷或地裂泉湧或平地

成山官民死者八十萬有奇○三十五年倭寇

閩浙等地有慈谿省祭杜槐率兵勦賊甚衆後

以兵少陣沒帝聞立廟祀焉帝遣趙文華視師

江南與胡宗憲集兵勦虜而浙地差寧○三十

六年四月虜犯大同等地總兵以下諸臣戰死

無數○雷雨大作火光驟起奉天華蓋謹身三

殿及午門一時並燬詔停刑令百官修省五日

補十二月俺答子辛愛圍大同右衛辛愛有妾

曰桃松寨私部且懼罪來降總督楊順納之以

聞辛愛來索不得寇應朔二州毀七十餘堡縱

掠大同圍右衛順懼乃詭言虜欲以叛人趙全

等來易桃松寨廷議許之虜狎知順無能圍右

三十七年

三十九年

衛益急。夏分兵犯宣薊。西部震動。給事中吳時來上言。桃松寨寇中一亡婦耳。苟明于啓。蒙之媒拒之。勿納可也。帝怒。召順還。以兵部侍郎江東代之。江東與總兵張承勳等。各嚴兵進圍。乃解。補三十七年八月。吉囊子吉能犯永昌涼州。進圍甘州。十四日始退。土蠻亦數寇遼東。補三十九年正月。以鄔懋卿總理天下鹽政。懋卿貪婪。所至市權納賄。勢焰薰灼。民大苦之。補七月。大同總兵劉漢襲俺答於豐州。破之。禽斬百五十人。虜遠遁。○四十年。遣御史王大任等遍訪天下仙術異人。補十一月。萬壽宮災。宮在西苑。帝自二十一年宮婢之變。即徙居此時。暫移玉熙宮。火作。禁衛不及救。乘輿服御皆燬。○四十一年五月。嚴嵩免。其子世蕃下獄。補帝居西苑。嵩獨承顧問。以故得逞。志遍引私人。居要地。帝亦寢厭之。大學士徐階。給事中吳時來等。各疏論嵩。帝雖細言者。然心不能無動。初帝所下手詔。辭旨深奧。多不可曉。惟世蕃一覽了然。答語無不中。及嵩妻歐陽氏死。世蕃居喪。不得入直。所代。票擬。嵩每遣人持問世蕃。值其方縱淫樂。不以時答。嵩自為之。往往失指。所進青詞。又多假他人手。不能工。帝不憚而漸親。徐階會萬壽

仙術異人 四十年

嚴嵩 免 世蕃 下獄 四十年

票已曾補心月各卷三十一 明世宗

瑯邪代醉
編云道觀
薦告詞文
用青藤紙
謂之青詞
擊要云袁
焯水以青
詞進與李
春芳等並
號青詞宰
相

四十年

宮災高詩徙南城離宮南城英宗為太上皇時
所居也帝不悅而階營萬壽宮甚稱帝春益
移御史鄒應龍抗疏極論高父子不法遂罷高
下世蕃於獄後伏誅其黨數十人黜謫有差高
歸後六年穿
食墓舍以死○鹽院鄔懋卿騎縱每巡行郡邑
携其妻從行裝五彩輿令十二女昇之所過供
給奢靡獨淳安知縣海瑞供帳菲其懋卿雖怒
素聞其強項亦斂威去○陸鳳儀劾胡宗憲十
罪逮憲至京削籍後飲藥死○倭圍興化遣總
兵劉顯接之虜詐稱顯軍入城屠戮殆盡據城
三閱月忽泛海去○四十二年虜逼京東勅諸

四十年

四十年

上海疏

懸磬見左
傳磬盡也

鎮兵入援時守外城者以調兵不至疏劾本兵
楊博夜呼崇文門甚急刑部侍郎孫植以疏入
必激帝怒或本兵動搖事且不測乃却其疏不
納亟請調發應之總兵馬芳等兵相繼至虜遁
回乘勝追斬三百餘級○四十二年五月帝夜
坐御幄忽獲一桃是夜白兔壽鹿各生子羣臣
表賀○四十五年二月主事海瑞上疏其略曰
陛下初年遠過漢文二十年來法紀漸弛今萬
方懸磬民不聊生諸臣猶修齋設醮相率進香

明世宗

明世宗

明紀云。帝大怒。願左右趣執之。無使遁。宦官曰。聞此人上疏。時市一棺。諛妻子。待罪於朝。是不道也。遂繫論死。穆宗嗣位。乃釋之。皇古厚字。

天藥天桃相繼表賀。夫玄修以求長生也。然堯舜禹湯未有至今存者。陛下師事仲文。而仲文已死。彼既不能保其身。陛下何復神其術乎。帝怒投於地。已復取讀之。太息自悔。疏竟留中。○十月。帝不豫。專意玄修。方士王金進長生藥。性極熱。能健陽力。帝服之。遂火發疾甚。一閱月。乃崩。裕王載坫即位。

穆宗莊皇帝名載坫。世宗次子。補閣臣徐階。草世宗遺詔。召用建言得罪諸臣死者。卹錄方士。

隆慶元年

陳以勤上謹始十事

付法司論罪。一切齋醮禳及政令不優者悉罷之。補隆慶

元年。二月。以陳以勤張居正與入內閣。二人侍裕邸講讀。至是並參大政。○陳以勤上謹始十事。曰定志。曰保位。曰畏天。曰法祖。曰愛民。曰崇儉。曰攬權。曰用人。曰接下。曰聽言。帝嘉納之。○帝朝講漸疎。百司章奏皆令內臣傳旨。故宦豎日恣。尚書高儀請大臣廷對面議。帝允之。補九月。俺答及其子黃台吉數犯山西。○二年三月。冊立皇太子。方五歲。無何。太子遇閣臣於御道。

明穆宗

明穆宗

明穆宗

太子 讀三 字經 男變 為女

麟音積

語曰先生良苦。翊贊閣臣稽首曰。願殿下勤學。答曰。方讀三字經。既而曰。先生且休矣。虛音清。朗舉朝稱慶。○五月。陝西民李良雨。忽變為婦。人與同賈者苟合為夫婦。○皇后陳氏幽問貞。靜不見愛於帝。移居別宮。王時舉等上疏乞正位中宮。帝曰。后多病。移居別宮以暢意耳。汝不知內庭事。乃妄言耶。時舉曰。寧有夫婦睽違而意暢者乎。帝曰。待疾愈。即還宮。無多言。○補十月。遼王憲燭有罪。廢為庶人。國除。憲燭在世宗朝。

三年

四年

漢書張湯傳云。湯初為小吏。乾沒服。屢曰。乾沒射成。敗也。如淳曰。得利為。乾。失利為。沒。一書注云。

以奉道被寵。賜真人號。至是。巡按御史郅光劾其淫虐僭擬。遣侍郎洪朝選等勘實。免為庶人。國除。初。張居正與憲燭有隙。及朝選往勘。諷令坐以謀反。朝選不從。居正怒。屬巡撫勞堪羅織朝選。死獄中。○三年。五月。御史詹仰庇上疏言。陛下多取民膏。以供造鰲山。修治宮苑等費。使羣小因得乾沒。為聖德累不小。帝怒。廷杖編氓。大學士李春芳等力救。不免。○六月。總理河道翁大立。上五患十二圖。帝留覽。以示各司。○補四

明穆宗

四十二

乾沒如陸沈之義武周武王也董仲舒曰琴瑟不調甚者必解而更張之乃可救也

年二月大學士高拱疏言武及商政止三事今皇上以子繼父豈宜專事更張且太禮太獄先帝勵精之政而概議改易尤非繼體所宜補六月高拱言邊方有司實兼牧民禦邊之責即以有才力者為之猶懼不堪乃官其地者非雜流則遷謫非遷謫則多才力不堪之人先既不能稱職於內地而欲立效於邊方宜其吏治日偷而生民日蹙也自今心擇年力富強才氣超邁者除補或有成績帝從之○賈二近疏曰近年

五年封俺答為

州縣長吏率重甲科而輕鄉舉同一寬也在進士為撫字在舉人則為姑息同一嚴也在進士為精明在舉人則為暴戾低昂之間殿最攸異帝善之下其疏所司補是時內供寢多數下戶部取太倉銀又趣市珍珠黃綠玉諸物尚書劉體乾屢疏爭積忤帝意遂罷之補八月河決邳州○浙江礦盜作亂從昌化突入寧國池州等地江南騷然尋討平之○杭州有栗樹生桃南京有龍目井化為酒之異補五年三月封俺答

票已曾補元明史略卷三

明穆宗

四十三

王順義

為順義王初俺答孫把漢那吉幼孤育於俺答妻所既長而娶與妻不相得復自聘嚮兒都司女號三娘子即俺答外孫女也俺答見其美奪之把漢恚率屬十餘人來歸大同總督王崇古留之邊吏譁曰此孤豎無足重輕宜勿留崇古曰此奇貨可居俺答即急諭以執送叛人趙全等還我乃優遣以慰其舐犢之愛而制其命又不然因而撫納如漢質子法使招其故部居近塞俺答老且死其子黃台吉勢不能盡有其眾乃令把漢還以眾與黃台吉抗我按兵助之此安邊之大略也朝議紛然高拱張居正力主崇古議俺答婦恐中國戕其孫日夜尤俺答俺答亦悔乃擁十萬眾入寇崇古檄諸道嚴兵禦之因諭以存卹恩而要縛送諸叛人示信俺答與婦感且愧曰漢乃肯全吾孫吾且嚙臂盟世服屬無貳遂乞封請互市執叛人趙全等來獻索把漢誓不犯大同王崇古上言朝廷許俺答封貢諸邊有數年之安可乘時修備設敵背盟

奇貨可居
見泰紀
舐犢見世說

款誠也言使人感服也

六年築徐河堤高拱張居正受顧命

吾以數年蓄養之力從事戰守愈於終歲奔命自救不暇者矣復條封貢八事以請從之遂封俺答順義王把漢昭勇將軍昆都力辛愛等皆授官有差王崇古以款俺答功加少保邊患稍息萬曆初名俺答所居城曰歸化補六年正月築徐河堤自徐州至宿遷三百七十里并繕豐沛大黃堤正河安流運道大通○三月帝不豫召閣臣高拱張居正等諭曰東宮幼少今付之卿等協心輔之遂崩皇太子即位

神宗顯皇帝名翊鈞穆宗子補罷閣臣高拱初拱與張居正友善既而內離猜防日甚拱惡太監馮保矯穆宗遺詔掌司禮監專恣逐之使人報居正居正陽諾之私以語保保密奏拱擅權明日召羣臣入宣詔數拱罪罷之居正遂為首輔補一日帝謂張居正曰皇考屢稱先生忠先生幸自愛悉心見輔居正頓首泣謝曰今國家要務惟在遵守舊制不必紛更至於講學親賢愛民節用又君道所先乞聖明留意帝曰善居

元年 曆

半。容色美。好。負。米。彩。通。五。雜。組。云。世。廟。未。年。雖。深。居。不。出。然。威。福。無。一。不。自。已。出。者。孟。康。曰。委。裘。若。客。衣。天子。未。坐。朝。事。先。帝。衰。衣。也。

正既得政柄慨然以天下為己任中外想望
采其為政大約尊主權課吏實嘗言高帝得聖
之威者也世宗能識其意是以高卧法官之中
朝委裘而不亂今上世宗孫也奈何不法祖請
召羣臣廷飭之百寮惕然○萬曆元年帝居乾
清宮見一無鬚男子假稱內使左右執之問其
名曰王大臣問何自來曰自總兵戚繼光來下
東廠鞫問張居正陰囑之曰係閣老高拱陰使
刺皇上言未已而廠校緹騎已集高門矣吏部

四年

誤上加則
字看
上無間如
耶則二字
看

傳又恐失其此皆史職缺廢所致也皇上踐祚
以來善政班班可述乞即蚤賜紀錄以光大典
帝從之○補翰林院產白燕內閣生嘉蓮閣臣進
獻馮保謂閣臣曰主上冲年不可以異物啓其
好帝尋以白燕送出○四年正月御史劉臺抗
疏劾張居正專擅威福居正疏言論者謂臣擅
威福而臣所行正威福也將異順悅下耶誤國
將竭忠事上無以逃專擅之譏因辭職不視事
帝手勅諭始起詔下臺獄廷杖一百遠戍之以

明神宗

明神宗

重修大明會典五年

許文穆鑄玉杯

申伸也。五雜組云。張居正給假治喪。自京師除道。達其室。四。千餘里。填。壘刊木。廣。狹如一。所。至。厨傳。列。寵。千計。外。潘大吏。望。塵。迎。拜。州。屬。於。道。及。至。楚。楚。方。伯。至。披。衰。經。代。考。子。守。苦。次。

居正申救竟從寬貸○重修大明會典成○五年九月張居正以父憂乞守制帝不允編修吳中行檢討趙用賢刑部員外艾穆主事沈思孝四人交章論其忘親貪位居正大怒時學士王錫爵曲為慰解居正曰聖怒不可測錫爵曰即聖怒亦為老先生語未訖居正屈膝於地舉手索刀作刎頸狀曰爾殺我爾殺我錫爵大驚趨出四人即廷杖尋遣戍有庶士許文穆鑄玉杯以贈中行曰班班者何卞生淚英英者何蘭生氣追之琢之永成器又鑄犀杯一以贈用賢曰文羊一角其理沉黜不惜剖心寧辭碎首黃流在中為君子壽時觀政進士鄒元標憤甚越二日上疏亦杖戍貴州補十一月彗星見張居正自奪情後知天下不與已思以權劫之因星變考察百官遷謫數人○六年三月帝始冠行婚禮給事中李涑上言天婚吉禮閣臣張居正有服制在身不宜與執事帝不允○帝婚畢皇太后諭曰爾一身為天地神人主所係匪輕務

六年

一身為天

十生十利也見韓非子。蘭生蘭相如則史記。追都回反。雕也。詩云瑟彼玉璫黃流在中注黃流鬱也。微青黑色。

票已增補元明史略卷三

明神宗

地神
人主
漕河
工成
七年

要萬分涵養。依從老成人諫勸。不可溺愛衽席。任用非人。以貽我憂。爾敬承之。勿違。○七年。二月。漕河工成。先是淮楊諸郡苦於水。城郭陵寢。害無寧歲。帝憫之。發金八十餘萬。命御史潘季馴董其事。延袤八百餘里。兩堤相望。如常山夾峙。而河流其中。不特陵寢不犯。且數十年棄地。轉而耕桑矣。○四月。蕪松大水。欠逋千餘萬。張居正請蠲以安民。疏曰。百姓財力有限。即歲豐年。錢糧尚不能辦。豈復有餘力完積逋哉。故帶微一法名。為完舊欠。寔則減新欠也。今歲之所

拖引也

減即為明年之拖欠。見在之所欠。又是將來之帶徵。誅求無已。民不堪命矣。况其間豪右。不納固多。然窮民力不支。亦有之。有司之法。不能行。豪右止能及小民。故催科之苦。小民獨當之。

帝從之。○八年。張居正纂累朝寶訓寔錄四十

款。陳進。帝嘉納之。按泰岳事君。愆有可觀。○武

義孝子王世名。年十七。父為人殺。世名恐殘父

屍。不忍出理。乃陽與息密購一刃。上銘報仇。二

字。母妻不知也。服闋。遊邑庠。又三年。生一子。忽

語。母曰。吾可死矣。遂往殺仇者。赴邑請死。邑令

憐。而欲全之。世名曰。殺人者死。國法也。奈何。以

八年
張居
正纂
累朝
寶訓
寔錄
王世
名報
父仇

款科也。悉與殺同。甚也。

度民

羨。衍餘也。字彙疇首。雞疇零。殘田也。

九年

步弓。量地之數。六尺為步。二尺為肘。四肘為弓。

十年

吾廢法乎。竟不食死。聞者悲之。有孝廉張鳳翼。為之傳。補十一月。度民田。初建昌知府許孚遠。為歸戶冊。以田從入法簡而密。至是復度羨田疇零。截補豪猾不得欺隱。而小民無虛糧。視弘治時。贏田三百萬頃。張居正頗以溢額為功。有司短縮。步弓以求田多。後遂按溢額增賦。補九年京師旱。南畿饑。張居正上言。淮鳳蘓松連被災傷。徐宿間。至以樹皮充饑。或聚為盜。昔元末之亂。亦起於此。當破格賑之。帝從之。○十年帝

游戲丹青。嘗繪玄兔圖。令史臣沉懋學等賦詩。

附書於軸。○六月張居正卒於京。帝慟之。親往

祭。命大僕卿護喪至江陵。未幾言者紛起。按江

子嗣。修榜眼。懋修狀元。父子兄弟權勢無兩。其

病處。只在攬權。固寵。一件。若論相業。固我明不

多。得者。後竟以。補十二月。謫太監馮保於南京。

帝初即位。保朝夕視起居。小有扞格。即以聞太

后。太后訓帝嚴。詰責隨下。帝故積怒保。於是

陳保過惡。發與張居正交結狀者。帝乃謫保南

票已曾補元月史略卷三

明神宗

五十一

明紀居正當國務尊主檢覈名實神宗初政起衰振瞻幾於富強及申時行為首輔務承帝旨一切務為簡易由是上下恬熙法紀漸不振五雜俎云江陵諸子文皆假手

龍宗 武許 吳士 期殺 之

他人而相聯登高第可乎抄滅猶藉沒也網鑑作抄沒

數人皆被論得罪去於是彈擊居正者亦多矣○初宣城人生員吳士期多奇節欲草疏論張居正未果江防守龍宗武曰此奇貨可居也遂聞之居正居正即令宗武鞫之答幾死閉空舍絕食至食衣襪死由是宗武躡大參居正敗言者論宗武謫戍尋逃歸得狂疾自投廁中食穢物一日大呼上期拿我繞屋而走其子視之猛以鐵鎚鎚殺子宗武尋薨而狂疾永不作矣噫豈非天哉食穢物食衣襪之報殺已子殺人子

龍宗 武食 穢物 殺已 子

拿俗擊字拘捕罪人也

武弁 三獸

股音鑿縮也別也與从肉者異

烈女 節婦

拉牽也

十一 年

之報也○初張居正責武弁云汝等解為三獸不解讀書股軍膏則虎而翼鬻當路則狐而媚至于逢大敵則鼠而竄耳時傳為快論○山西大旱百姓死亾無算平涼城外掘萬人坑數十處填塞俱滿有一富家女頭挿草標上街自賣遇一男子出戲言慚甚遂撞石死又有少婦其夫餓死官差人拉在萬人坑中少婦大呼一聲投入坑韓王憐其節義令救之婦曰夫死我何忍生晝夜哭三日不輟死補十一年馮保既得

票已... 補元月史各卷之三

明神宗

五十一

奴兒哈赤起兵

新說增補元明史略卷三

五十一

副。猶領也。明紀。帝命。司禮監。詣。荆。州。籍。居。正。家。守。令。先。期。錄。入。口。銅。其。門。子。女。饑。死。者。十。餘。輩。吏。盡。括。其。親。族。所。有。得。黃。金。一。

罪新進者益發攻張居正遂詔追奪其官階補五月建夷奴兒哈赤克圖倫城奴兒哈赤姓愛新覺羅氏東韃靼建州女直部之人也先世發祥于長白山長白山高二百里綿亘千里鴨綠混同愛濬三江所出也山之東有布庫里山山下有池曰布爾湖里相傳有天女佛庫倫浴于池有神鵲銜朱果置其衣佛庫倫愛之不忍置之地含口中甫被衣忽已入腹遂有身尋產一男生而能言曰布庫里雍順居長白山東俄漢惠之野俄為朶里城國號曰滿洲歷傳至奴兒哈赤于時諸部落紛亂羣雄蜂起各王其地互相攻戰爭奪無已時奴兒哈赤於是起兵先征尼堪外蘭克圖倫城當是時兵僅百人甲三十副而已○十二年四月奉旨抄故相張居正家長子敬修不勝拷掠自縊死刑部尚書潘季馴等上疏曰居正抄沒國法已正衆憤已平矣然入甸老母與諸幼弱若併罹法恐非罪人不孥之意也帝允之○九月遼東總兵李成梁乞休閣

十二年抄張居正家

票已曾補元明史略卷三

明神宗

五十一

申時
行疏

萬白金十
餘萬
衝邊調敵
也所衝之邊

本部增補元明史

五十一

臣申時行等疏曰成梁身經百戰屢立奇功衝
 邊大將難以輕易但功名大盛人或忌之成梁
 父子兩鎮總兵子如松總兵如柏參將世受伯爵在成梁
 之心當必求退免忌而國家之體亦宜稍抑保
 全庶讒謗可息矣帝是其議慰留之○平樂兵
 亂帝欲坐其守臣周祈罪申時行疏救曰周祈
 給餉稍遲誠為有罪但此輩驕悍難馴往者如
 雲貴遼陝嘉靖前各邊情殊可恨若以此
 罪及守臣各邊軍士效尤而起將來司府畏軍

偽學
禪宗

十三年

士如虎狼不敢約束天下自此多事矣即周祈
 一人不足惜而長軍士之驕氣則深可憂即驕
 一廣西之軍士不足憂而生九邊軍士之狡心
 則大可懼也帝從之○十二月詔以王守仁陳
 獻章從祀孔廟有人言王守仁陳獻章為偽學
 禪宗不宜從祀孔廟申時行曰守仁言良知本
 於孟子獻章言主靜原於宋儒豈同老莊佛釋
 之徒哉○十三年帝雅聞海瑞直名命起為南
 京僉都瑞至具疏陳治安要機於民事尤關切

明史增補元明史

明神宗

海瑞
杖御

東良
婦女亦知

宋名臣言行錄云包拯字希仁為御史時危言鯁論烈如秋霜尹開封權貴斂跡擢樞筦為名執政人以其笑比黃河清童推

時御史有戲宴者瑞集諸御史曰汝等聞高皇帝杖御史法乎命以杖諸御史爭之不得卒杖之自太僚及郎丞無不奉法而雨花牛首等處遊宴頓絕都人塗傳巷頌比如包老復生瑞在院九月以病卒御史王用汲入視葛幃敝衾有寒士所不堪者嘆息泣下啓其篋僅十餘金士大夫資金以殮士民哭之至罷市者數日喪出江上送者兩岸無隙地沿途設祭數百里不絕燕人朱良吊詩云批鱗直奪比干志苦節還同

其名京師語曰關節不到有閻羅列仙傳云丁令威本遼東人學道於靈虛山後化雀歸集萃表而吟曰有鳥有鳥丁令威去家千歲今來歸城郭如故人民非何不學仙塚壘壘

孤竹清龍隱海天雲萬里鶴歸華表月三愛蕭條棺外無餘物冷落靈前有菜羹說與傍人渾不信野夫親見淚如傾詔遣行人祭墓如禮贈太子少保謚忠介鐘惲曰神二知海公而僅授之惜使得大任竟其業則所成就吾不知當何如也補帝益習事慮下欺微有聞輒遣逮刑部尚書舒化奏曰主術貴因不貴為若好以已為是代有司事也使人歸過於上而下得緣是以飾罪帝領之○嘉定王憲明妻張氏少寡一日掃夫墓舟覆失其屍八閱

標已普補元明史略卷三

明神宗

水言地神元日與世卷三

十四年

申時 行言 四害 二患

肥蠶

十五年

十六年 新建 民長 兩人 善念

月而湧出於江肌髮如生見者驚嘆立祠祀之

○十四年三月廷試有進士舒必志年十七策

奇語多譏切時政閣臣不敢呈前列且以弘志

為尚書舒應龍子避嫌呈末卷帝覽策大奇之

拔置第三朝野共驚神識○京師連日塵霾四

塞申時行等曰陰陽失調責在臣等乃上疏言

四害二患所致一曰催科急迫之害二曰徵派加

用度侈靡之害一曰議論不○建昌有巨蛇一

角六足如雞距不噬人人以故爭往觀之徐徐

入深山去華山記云蛇六足者名肥蠶見則千

里內大旱十六十七○十五年秀水有異鳥人

頭鳥身集於樹竟日乃去是年大旱○帝覽貞

觀政要曰唐太宗多慚德魏徵大節有虧命經

筵不必進講止講通鑑及大學衍義并累朝寶

訓寔錄以裨治道○十六年豫章大侵新建一

民窘甚僅銀三分以二分買米一分買信將與

妻孥一飽死炊方孰會里長來索賦里長適飢

見所炊飯欲食之其家搖手曰此非君所食里

信。砒霜之類石藥也

蠶音位

信。砒霜之類石藥也

票已曾補元月史各卷三

明神宗

五十三

長怪之無已告以寔里長大駭亟起領其飯曰
何至此引其人至家給之穀五斗其人負歸視
之中有金五十愕然曰此必里長所收賦銀悞
置其中也急持還里長曰吾寔無此銀殆天以
賜苦者其人不肯受久之乃各分其半人以爲
兩人善念所感○內閣王錫爵子衡舉順天鄉
試元京師疑之錫爵疏請覆試而卷復大佳物
議始息衡有大才後登辛丑榜眼補十七年六月
南畿久旱浙江大風海溢既而亦旱發帑金

十七

胡三省曰
覆審也再
引試取中
進士以審
其實才曰
覆士

授建
酋奴
兒哈
赤都

十八

八十一萬賑之補九月授建酋奴兒哈赤都督初
遼東總兵李成梁征建夷阿台奴兒哈赤祖父
爲鄉導竝死兵火奴兒哈赤方幼李成梁直雜
視之後稍蠶食張海色失諸酋勢漸加於是斬
叛夷五十且愬祖父殉國狀乞陞賞朝廷許之
奴兒哈赤以此遂雄長諸夷威日益強○十八
年元旦申時行等朝賀畢因具疏皇長子九齡
矣請冊立東宮以就學帝曰朕無嫡子長幼自
有定序鄭妃亦再三陳請恐外間有疑姑候長

本言此... 卷之三

二十一年

寧夏 呼拜

子壯健。令出閣讀書。卿等無煩過慮。尋召皇長子。至立榻右。上手執之。時行等熟視良久。賀曰。皇長子龍姿鳳目。岐嶷非凡。宜早定大計。帝曰。朕知之。補三月。以宋纁為吏部尚書。纁前為戶部五年。值四方多災。酌盈虛。籌緩急。上下賴之。○二十年。寧夏呼拜殺總兵張維忠等。據其地。而反。全陝俱震。自春逮夏。我軍糜費巨萬。殺傷甚衆。後李如松等以水攻。破之。而寧夏始平。補

二十一年 王錫爵論 王錫爵

其軍上殺馨及總兵張維忠等。陷河。四十七堡。全陝震動。總督魏學曾檄諸將討之。未幾。李成梁子如松提督陝西軍務。會學曾等討之。屢攻城不下。賊勾套虜。分道入寇。牽制官軍。學曾檄延綏兵乘虛出搗。巢虜始退。遂議決河灌賊。賊被圍。食盡。其黨互相殺。承恩開門降。拜闔室焚死。於是盡誅拜黨。俘承恩。至京。即誅之。賊遂平。○二十一年。初。羣臣交章請立東宮。帝怒。強許。以次年。至是。帝仍不欲立。王錫爵乃密奏甚懇。帝曰。昨讀祖訓。有立嫡不立庶之條。今皇后年尚少。恐後有出冊東宮乎。封王乎。欲封王。是背祖訓。欲立東宮。是二東宮矣。故此不果。無已。

票已曾補元月史各卷三

明神宗

五十三下

史記法小
柱為枝邪
柱為拮
王錫爵字

將三子並封王少待數年候后無出再行冊立
可也錫爵曰祖訓所載蓋就嫡庶並生言耳今
嫡子未生而世子已十二豈容懸待况陛下舊
旨原無待嫡之說今忽變更跡似可疑去年之
命既改於今日焉知今日之命不改於他年乎
且元子封王祖訓無之臣見民間子未有十二
三歲不讀書者陛下既不即行冊立請令出閣
豫教帝不得已久之神宗待嫡語不為無見
別有隱念即待嫡亦其支吾耳荆石立
諸有數疏言言忠肝古社稷臣庶幾近之○二十

朝鮮

荆石

公音治

二年初倭酋關白攻陷朝鮮朝鮮求救帝命宋
應昌等討之至是議和始平補二十一年四月豐
加藤清正等率舟師自釜山入王京朝鮮八道
幾沒國王李松奔義州請援帝乃遣遼陽總兵
祖承訓等援之既而援兵攻行長于平壤大敗
兵李如松為大將軍援之攻平壤敗之行長退
保王京李如松乘勝輕出遇重圍精銳多沒於
是羣議急圖休息先是兵部尚書石星募遊客
沈惟敬遣行長營講和至是復遣之和議遂成
矣行長請正○補二月皇長子常洛出閣講學時
年十四歲○給事葉繼美等以論王錫爵坐貶
錫爵疏救甚力而繼美等獲免○河南大飢有

東林黨議始

牴牾觸也
逆也

景影通

人相食。給事楊東明進飢民圖。帝覽之惻然。時皇貴妃在侍。覽之亦惻然。因出所私蓄五千金。賜之。帝稱善。益以內帑金五千發濟。而河南賴之全活甚衆。○補吏部郎中顧憲成削籍。先是羣臣爭國本。政府惟王家屏與言者意合。申時行。王錫爵皆宛轉調護。亦頗以言者為多事。憲成所推舉多與政府牴牾。忤帝意。削籍歸。憲成既廢。偕同志高攀龍。錢一本等講學于東林。東林宋楊時書院也。海內聞風景附。往往諷議時政。裁量人物。朝士慕之。亦遙相應和。出是東林名大著而忌者亦多。其後孫丕揚。鄒元標。趙南星輩相繼講學。自負氣節。與政府相抗。是為東林黨議之始。○王錫爵病危。帝發金五千命設醮。禳之。不得已。聽致歸。資賚甚厚。錫爵病中猶脩獻忠疏十四款。乃行。其一時相與至情。即三五君臣不遇是。疏略云。上下相信。而後政事可修。相不巳。必厭。○事數變。則難。○其效。○人。數。變。則。難。○課其成。○一刻。臨御。勝于百刻。批覽。面。次。一。事。○勝于手勅。百言。夫財多方。以求之利。害參半。畢竟節之。一字。較為穩。○今日之患不在倭。而在。○策不在。○

東林黨議始

明神宗

壻音育。

二十三年

舉子夢試題

兵而在補二十三年正月。從鄭世子載壻請詔練兵。

宗室得就試。○二月會試前一日有舉子夢試

題係晉元帝恭默思道七字而題紙為易水生

奪去後試題乃司馬牛問仁章蓋晉姓司馬元

帝為牛金子合之則司馬牛也其恭默思道又

合認言意是科會元湯寶尹易水固湯字也始

信人物寔天定哉○江右有狂客係海外浮提

國人其人皆飛仙多幻術呼吸可萬里御史葉

永盛曰汝等異人毋惑吾民遂遣之出境須臾

不知所去補二十四年三月乾清坤寧兩宮災

補七月遣中官開礦初畿輔奸民慫恿中官多

言礦利太學士申時行為持不可至是承寧夏

朝鮮用兵之後國用大匱營建兩宮計臣束手

前衛千戶仲春請開礦助工帝允之自是請開

礦者踵至每遣中使偕原奏人往首畿輔蔓延

遍天下其後各省增設稅使如天津店租廣州

珠監兩淮餘鹽浙江福建廣東市舶成都茶鹽

重慶名木湖口長江船稅荊州店稅寶坻魚葦

二十四年開礦

慫恿勸也

孔子曰仁者其言也詔

標記增補元明史略卷二

明神宗

五十五

福惠全書云凡城市臨街鋪面前隙地有支棚擺攤賣雜貨生理者晚則收歸早則鋪設輸官錢名之曰門攤稅

二十五年三殿災

及門攤商稅等都邑關津中使暴布所至納奸民為爪牙奴告主者昇以十之三中人之家大半皆破甚者招集亡命肆劫奪擅殺人有司稍忤意輒劾其阻撓逮治中外諸臣諫疏前後累數百上帝俱不聽由是民不聊生變亂蠡起補二十五年六月三殿災時帝銳意聚財多假殿工為名言者謂天以民困之故災三殿以示儆奈何復因天災以困民帝不納屢徵木於川廣令輸京師費數百萬率被中官冒沒終帝世三

二十六年

殿實未嘗復建也補十月以黎惟潭為安南都

紗使初莫登用請封制下而登用已死遂使其孫福海襲已而福海不能輯眾為黎寧所逐寧死再傳至惟潭攻殺福海孫茂洽復據安南欵關求貢總督陳大科上言莫之篡黎其事逆黎之復仇其名正宜許其來歸詔以惟潭為都紗使自是安南復為黎氏有而莫氏惟據高平一郡宗黨多竄處海隅時出侵軼為邊患補二十六年四月土蠻犯遼東總兵官李如松出塞遇

標記增補元明史略卷三

明神宗

五十七

李如松死 劉繼 收朝

皇明通紀 云我以獲 船橫海之 師四將軍 二十六備 裨資金錢 數百萬竟 收功一死 關白

二十八年

脆音翠說 女小奕物 易斷也

數天 下積 儲

覈下草切 檢也

二十八年

板攀也

伏死。○倭國復陷朝鮮。劉繼等討平之。補二十三年和

議既成。揚芳享沈。惟敬奉璽書使日本。初惟敬

講和議也。為偽詐。中間兩相欺。豐太閤見璽書

中有封。爾為日本國王之語。大怒曰。吾自霸有

日本。若欲稱王。號何為。借海力乎。乃擲璽書于

地。再命行長。清正等發兵二十萬。攻陷朝鮮。二

十五年。帝遣劉繼等于朝鮮。援之。交戰歲餘。不

利。會豐太閤卒。行長。清正等奉遺命。班師。自朝

鮮。兵興七載。喪師數十萬。糜餉數百萬。無勝算。

至是禍。○二十七年。播州宣慰使楊應龍反。命李

始息。

化龍總督川湖貴州軍務討之。

知川兵脆弱。間出剽州縣。詔逮擊。不出。四川

巡撫王繼光發兵討之。覆於白。應龍上書。自

明請執罪人。獻金贖罪。遂論輸四萬金。羈其次

子可棟。於重慶。追贖可棟。悉死。應龍益恨。遂糾

諸苗。補遣中官覈天下積儲。初以諸皇子婚。詔

取太倉銀二千四百萬兩。戶部告匱。乃命中官

嚴覈各省積儲。由是外帑日耗。○二十八年。六

月。李化龍至播州。集三省兵分八路進。賊退守

關險。官兵無一敢犯。將軍劉繼直入婁山關。是

賊前門。萬峰挿天。中通一線。我師從間道。扳藤

魚貫而入。屯白石。未幾。我軍四集。營火燭天。應

龍徬徨。大泣。同愛妾縊死。而生獲其子朝棟。及

妻田氏。并餘黨數百人。梟首傳示九邊。以其地

兩畿盜起

神宗本紀卷三十一

置遵義平越二府分屬川貴補十月兩畿盜起
 頻年災旱又苦礦稅民起為盜浙人趙一平與
 其黨孟化鯨等招集亡命於徐州自稱宋後署
 偽官期明年二月諸方並起事覺伏誅鳳陽巡
 撫李三才再疏陳礦稅之害言陛下愛珠玉民
 亦慕温飽陛下愛子孫民亦戀妻孥奈何崇聚
 財賄而使小民無朝夕之安又言近日童奏凡
 及礦稅悉置不省此宗社存亡所關一旦眾畔
 土崩小民皆為敵國陛下即黃金盈箱明珠填

三十九年

三十一
妖書
事發

此度量也

屋誰為守之不報○二十九年十月冊立長子

常洛為皇太子補同日封皇子常洵福王常浩○
瑞王常潤惠王常瀛桂王

三十一年妖書事發補先是有人授引歷代嫡庶
 廢立之事著為一書名曰

憂危此議鄭貴妃兄國泰疑其書出自給事中
 戴士衡全椒知縣樊玉衡二人手言於帝帝怒

重譴二人遂寢至是續憂危此議復出其詞
 假鄭福成為問荅鄭福成者謂鄭氏子福王當

成也大略言帝立東宮出於不得已他日必當
 更易詞極詭妄時謂之妖書帝大怒勅有司大

索奸人竟帝怒甚中外危疑幸帝主意素定召
 無所得

太子諭曰汝莫恐不于汝事我的慈愛汝是知

道汝的孝友我亦知道此必逆惡造捏奸書離

神宗本紀卷三十一

明神宗

五十七

三十三年 烈婦

間父子兄弟動搖天下也。因出御筆所寫訓諭一冊賜太子。帝淚下。太子亦含淚謝去。補時捕治甚嚴

有以疑似棄市者。最後得順天生員。曠○三十生光。拷訊之。法司遂歸獄。生光磔之。

三年。崑山人歸善世妻陳氏年十九。以夫死欲自刎。其母阻之。婦曰。業已許夫矣。時婢以糜進。不食。持置靈前曰。君食我亦食。遂號哭累日。不絕。母知其不可奪。慨然聽之。死。婦曰。我女流死。卽殯。不可露尸。遂與母相對縫衣衾治殮。且市棺畢。尋浴更衣。出拜舅姑。舅姑阻之。悲哀不勝。

三十四年

是夜婦經於床。喉間聲如鉅。母堅塞兩耳。臥。嚙被流汗。他嫗聞救之。嫗張目視嫗曰。徒苦我。我終當死。嫗曰。汝夫臨沒。以汝母亦寡命。汝歸侍母。終身。婦曰。臨沒之言。非夫意也。去年里中某婦夫死。守志。吾夫謂我曰。年少無子。不如速死。夫固已命我矣。明日伺人去。復縊死。補三十

四年。棄六堡。初李成梁徙築遼東六堡。據膏腴扼要害。生聚日繁。至是以地孤懸難守。盡徙居民於內地。不從。則以大軍驅迫之。自是遼左藩

三十五年
大雨

三十五年
大雨

大水

三十五年

籬盡撤○三十五年京師大雨如注旬日不止

九衢成河深者至丈餘官民溺死無數近世未

有之變也帝發金十萬賑之○補二十六二年二月

脩邊備是時奴兒哈赤併環境諸國其勢日盛

蒙古喀爾喀諸部悉歸之○補遼總督蹇達疏陳

東方隱憂宜早為備乃命守臣嚴飭邊備○南

京諸郡大水週回千餘里茫然巨浸舟航遍於

陸地魚鼈遊於人家各院交奏帝憫之命免諸

郡稅○補十二月朶顏寇薊州京師戒嚴○三十

七年陳繼源初為太勝關大使清苦自守遷溫

州司獄曰窮老矣寧以賂敗盡却例金士大夫

高之謂為莫及○時言路互訾訂諸臣樹黨相

攻葉向高上疏斥浮議曰天下治亂不於其形

於其幾治非豐亨之說也朝政清明庶官輯睦

即謂之治亂非禍變之說也法紀凌遲人心囂

競即謂之亂今天下治耶亂耶門戶漸立釁隙

彌開始而臭味繼而參商終而水火矣始而旁

幾與機同

左傳襄公八年云寡君在君君之臭味也

法言同類參商二星

標記第補元明地略卷三

明神宗

六十一

一胎
產兩

男兩
女

三十
七年

才言此有元明身世卷二

名一出則
沒無相

見之理故
謂不相遇

曰參商見
古詩

陌盜陌夷
伯夷

可勝道哉。臣謂天下事非一家私議見譽為君

子無益也。天下後世曰君子則真君子矣。見詆

為小人無傷也。天下後世曰小人則真小人矣。

○福州有婦一胎產兩男兩女。青州有牛生兩

頭四目兩口之異。○三十七年甘肅地震。墻堡

俱傾。歷死軍民千餘。時南京山東西旱蝗。江浙

福諸省大水。○鄞人祁玉妻楊氏夫死守志玉

生好食鯉。忌日祭無魚。楊氏悲慟無已。適一漁

父持鯉至。以一金易之。祭畢剖魚得原金於魚

腹中。人以為哀感云。○時閣臣多缺。葉向高屢

疏乞補之。台山可謂忠于謀國矣不補三十八

年。葉向高疏請東宮講學。時輟講。○三十九年。

陝西有牛產犢人頭人面。○主事陳原道卒。妻

計氏哀慟不食。次日視夫殮畢。遂哭死。柩傍檢

討王象節卒。妻畢氏自縊。並旌表之。卓哉兩烈

殉夫亦我朝節義所培也補時曹署多空。建議除補聚訟籍

籍。顧憲成方講學東林。其黨亦臧否之。議者益

譁。臺諫亦有齊楚浙三黨之名。附之者多。並以

三十
八年
三十
九年

楊言...

厭鎮也穰也

五雜組云。福藩莊田。四萬頃。而每畝徵租。三分則十。二萬矣。

攻東林排異已為事。○四十二年三月。福王常洵之國。初羣臣屢疏請王就藩。不允。至是有訐奏內侍姜麗山等用厭勝術。詛咒皇太后。皇太子欲擁立福王者。帝震怒。葉向高請速令福王之國。以息羣喙。帝不得已。始令就藩河南。賜賚甚厚。福王臨行。自請減莊田。帝允之。○太后嘗病篤。帝日夜侍藥餌。復禱天以身代。尋愈。至是太后崩。帝哀甚。是時帝足疾。每祭拜。令內使扶掖成禮。歲時朔望。必謁必哀。補太后性嚴明萬曆初政太后保護

格止也

否塞也

位由是定。補八月葉向高罷向高以宿望居相位。每事執爭。帝心重之。而其言多格不用。所救正十二三而已。嘗疏言。今天下必亂。必危之道。益有數端。而灾傷寇盜。物怪人妖。不與焉。廊廟空虛。一也。上下否隔。二也。士大夫好勝喜爭。三也。多藏厚積。必有悖出之釁。四也。風聲氣習。日趨日下。莫可挽回。五也。非陛下奮然振作。簡任老成。布列朝署。取積年廢弛政事。一舉新之。恐

四十三年一案之一

慕忽也。闖及禁切。窺覘也。犯俗言罪人也。

宗社之憂不在敵國外患而在廟堂之上。帝不能。用。向高累疏求去。帝輒優旨慰留。向高復言。陛下欲用臣。則當行。臣言不然。臣留何益。帝不省。至是乞休。疏四十餘上。詞極哀。始允其去。○四十三年五月四日。慕有男子闖入東宮。以挺。搥仆守門內侍。呼集執之。太子親奏下部鞫。犯名張差。宿有癩疾。語言顛倒無倫次。遂以瘋癩。具獄。時帝待東宮薄。中外疑鄭貴妃與其弟國。泰謀危太子。及差被執。舉朝驚駭。刑部主事王。

案古審字。

之案。重加許問。訓連內監劉成。龐保。皆鄭貴妃。近侍也。於是庭臣交章請鞫。治成保等。究主。使給事中何士晉直攻國泰。且侵貴妃。帝心動。諭貴妃善為許。貴妃窘乞哀。皇太子自明無他。太子以事連貴妃。大懼。請帝速具獄。母株連。越數日。帝幸慈寧宮。設低坐於聖母靈次。太子侍御坐右。三皇孫雁立階下。令內侍急宣百官進見。帝曰。昨有瘋癩張差。突入東宮。此是異事。於朕何與。外庭有許多間說。乃欲離間我父子耶。

班位也
掠考也

又問太子曰汝有何語太子云似此瘋癲之人
決了便罷不必株連因語羣臣曰我父子何等
親愛外庭添許多議論爾輩為不忠之臣使我
為不孝之子殊為可恨帝復以東宮語大聲宣
示百官時御史劉光復激切揚言曰陛下極慈
愛太子極仁孝因班稍後聲高帝聞之不甚悉
誤以為別有所爭大怒命中涓擊下中涓承帝旨
杖杖交加遂下光復獄於是磔差於市掠死成
保內庭罷王之案官補何士晉於外其餘不得

四十
四
奴兒
哈赤
即位
滿洲
建元
天命

戰國策云蘇代為燕謂惠王曰今者臣來過易水時方出曝而鵲啄其肉蚌合而箝其喙鵲曰今日不雨明日不雨即有死蚌蚌亦謂鵲曰今日不出明日不出即有死鵲而者不肯相舍魚

波及無辜事遂寢既而釋光復于獄○奴兒哈
赤寇遼陽陷南關時奴兒哈赤與蒙古煖兒爭
婚御史王雅量曰奴煖相構我國得收漁人之
利請助兵煖兒以為外援未幾奴兒哈赤罷構
北關獲全補四十四年正月奴兒哈赤即位於
滿洲號後金指中國為南朝奴兒哈赤已削平
諸部威振東北衆貝勒大臣奉表勸進上尊號
曰覆育列國英明皇帝建元天命年五十八○
會試第一沈國和第六趙鳴陽放榜後以弊發

明神宗
一六二五

者得而并
擒之

四十
五年
見萬
餘
尾渡
江

四十
六年

除名吳人爲之謠曰丙辰會錄斷么絕六趙最
有才名士林嗟之○山東地裂有龍鬪○四十
五年五月有鼠萬餘吐尾渡江而南食苗害等
於蝗○廣寧婦生一猴二角補六月大旱時災
歉遍天下有司請賑率寢不報盜賊四起補四
十六年四月奴兒哈赤率兵南侵陷撫順城守
將王命印死之李永芳降之廣寧總兵張承蔭
遼陽副將顏廷相海州參將蒲世芳等率師來
援分軍爲二據險尋師潰承蔭等皆戰死將士

死者萬人諸堡皆陷京師大震○初楊鎬經略

遼事爲言者劾罷至是以遼警廷議謂鎬熟諳

邊事起兵部尚書往經略又起廢將劉綎李如

柏等領兵出鎮總督汪可受疏云虜登入疲我

征調未便請練土兵以守爲戰帝從之補七月

奴兒哈赤率兵入雅鶻關而圍清河城陷之守

將雜儲賢張旆戰死清河在四山之中東距寬

奠南距豐陽北距瀋陽清河旣失全遼震動○

四十七年三月四方援遼兵大集帝恐師老財

四十
七年

古本作社
松抵渾河
為虜夾擊
大敗松血
戰突圍僅
以身免

賈趣楊鎬進兵鎬乃分兵四路出塞林松抵渾
河遇伏戰沒馬林出三岔口聞松敗結營自固
虜兵乘高奮擊林大敗遁去鎬聞急檄止李如
柏劉綎兩軍如柏遂不進綎已接戰於馬家寨
口克虜寨十餘深入三百里隨重圍力戰死獨
如柏軍獲全文武將吏前後死者三百一十餘
人喪軍士四萬八千餘人亡失馬駝甲仗無算
報至舉朝喪氣帝以鎬喪師逮係下獄超擢御
史熊廷弼代之賜以劍命刻期從事廷弼單車

就道慨然自擬恢復補廷弼甫出關鐵嶺復失

盡竄遼陽洶海延州兼程進督軍士造戰車治
火器濬濠繕城為守禦計法嚴令行數月守備

固大補時邊警日至廷臣請帝出御文華殿口覓

羣臣面商戰守方略不報吏部尚書趙煥率廷

臣詣文華門固請帝臨朝議政抵暮遣中官諭

之退煥等復上疏且作危語曰他日薊門蹂躪

敵人叩關陛下能高枕深宮稱疾却之乎帝深

嘆焉補四十八年正月朝鮮乞援是時奴兒哈

赤既破北關降蒙古宰賽等進攻朝鮮國王李

四十八年

嘆恨也銜


明史方
哲傳云
向高去
之後從
獨相十
無所區
論者謂
之亡神
實基之
從指其
首也

瑄上疏乞援帝降勅慰之○帝病脾累月不起
召皇太子及輔臣等諭畢遂崩時七月二十一
日也皇太子即位

增補元明史略卷之三終

839
4
134

839
4
134




Kodak Gray Scale



© Kodak, 2007 TM: Kodak

A 1 2 3 4 5 6 **M** 8 9 10 11 12 13 14 15 **B** 17 18 19



Kodak Color Control Patches

© Kodak, 2007 TM: Kodak

Blue Cyan Green Yellow Red Magenta White 3/Color Black

